

十住經卷第一

後秦龜茲國三藏鳩摩羅什譯

戎

歡喜地第一

如是我聞一時佛在他化自在天王宮摩尼寶殿上與大菩薩眾俱皆於阿耨多羅三藐三菩提不退轉從他方界俱來集會此諸菩薩一切菩薩智慧行處悉得自在諸如來智慧入處悉皆得入善能教化一切世間隨時普示神通等事於念念中皆能成辦具足一切菩薩所願於一切世界一切劫一切國土常修諸菩薩行具足一切菩薩所有福德智慧而無窮盡能為一切而作饒益能到一切菩薩智慧方便彼岸能示眾生生死及涅槃門不斷一切菩薩所行善遊一切菩薩禪定解脫三昧神通明慧諸所施為善能示現一切菩薩無作神足皆悉已得於一念頃能至十方諸佛大會勸發諸請受持法輪常以大心供養諸佛常能修習諸大菩薩所行事業其身普現无量世界其音遍聞

○十住經

十住經卷第一 第三
無所不至其心通達明見三世一切菩薩所有功德具足修習如是諸菩薩摩訶薩功德无量無邊於無數劫說不可盡

其名曰金剛藏菩薩摩訶薩寶藏菩薩蓮華藏菩薩德藏菩薩蓮華德藏菩薩日藏菩薩月藏菩薩淨月藏菩薩焰一切世間莊嚴藏菩薩智智焰明藏菩薩妙德藏菩薩栴檀德藏菩薩華德藏菩薩優鉢羅華德藏菩薩天德藏菩薩福德藏菩薩無闍清淨智德藏菩薩切德藏菩薩那羅延德藏菩薩元垢藏菩薩離垢藏菩薩種種樂說莊嚴藏菩薩大光明網藏菩薩淨明威德王藏菩薩大金山光明威德王藏菩薩一切相莊嚴淨德藏菩薩金剛焰德相莊嚴藏菩薩焰藏菩薩薩宿王光焰藏菩薩虛空無間妙音藏菩薩陀羅尼功德持一切世間願藏菩薩海莊嚴藏菩薩須彌德藏菩薩淨一切功德藏菩薩如來藏菩薩佛德藏菩薩解脫月菩薩如是等菩薩摩訶薩無量無邊不可思議

十住經卷第一 第四
不可稱說金剛藏菩薩摩訶薩而為上首

今時金剛藏菩薩摩訶薩承佛威神入菩薩大智慧光明三昧即時十方世界於一方過十億佛土微塵數世界乃有如來名金剛藏如是次第十億佛土微塵數諸佛皆現其身名金剛藏十方世界皆亦如是同聲讚言善哉善哉金剛藏乃能入是菩薩大智慧光明三昧如是十方世界微塵數等諸佛皆同一號如汝威神又盧舍那佛本願力故又汝有大智慧故又與一切菩薩不可思議諸佛法明所謂令入智慧地故攝一切善根故善分別選擇一切佛法故廣知諸法故決定說諸法故无分別智善分別故一切世間法不能汙故出世間善根清淨故得不可思議智力故得一切智人智處故又得菩薩十地故如實說菩薩十地差別故分別說無漏法不著故大智慧光明善擇以自在嚴故令入具足智門故隨所應住次第說故得无闍樂說光明故具足大無

十住經卷第一 第四

闍智地不忘失菩薩心故教化成就一切衆生性故得一切遍至決定智故又金剛藏汝當說此法門差別所謂諸佛神力故汝能堪受如來神力故自善根清淨故清淨法性性故饒益衆生性故令衆生得清淨法身智身故於一切佛得受記故得一切世間取高大身故過一切世間道故出世間善根清淨故即時十方諸佛示金剛藏真實無上佛身與無障尋樂說之辯與善分別清淨智慧與善憶念不忘與善決定意與遍至一切智處與諸佛無壞力與諸佛無所畏不怯弱與諸佛無尋智分別諸法善闍法門與一切諸佛上妙身口意所作何以故以得菩薩大智慧光明三昧法故亦是菩薩本願力故志心清淨故智慧明白故善集助道法故善修本事故能持无量念故信解清淨光明法故善得陀羅尼門無分別故以智印善印法性故余時十方諸佛皆申右手摩金剛藏菩薩頂金剛藏菩薩即從三昧起已告諸菩薩言諸

十住經卷第一 第五

佛子是諸菩薩事先皆善自決定元有過無分別清淨明了廣大如法性究竟如虛空遍覆一切十方諸佛世界衆生為救度一切世間為一切諸佛神力所護何以故諸菩薩摩訶薩入過去諸佛智地亦入未來現在諸佛智地諸佛子何等是諸菩薩摩訶薩智地諸佛子菩薩摩訶薩智地有十過去未來現在諸佛已說今說當說為是地故我如是說何等為十一名喜地二名淨地三名明地四名焰地五名難勝地六名現前地七名深遠地八名不動地九名善慧地十名法雲地諸佛子是十地者三世諸佛已說今說當說我不見有諸佛國土不說是菩薩十地者何以故此十地是菩薩最上妙道最上明淨法門所謂分別十住事諸佛子是事不可思議所謂諸菩薩摩訶薩隨順諸地智慧是時金剛藏菩薩摩訶薩說諸菩薩十地名已默然而住不復分別義趣余時一切菩薩衆聞說菩薩十地名已咸皆渴仰欲聞解釋各作是念何

十住經卷第一 第六

因何緣金剛藏菩薩說菩薩十地名已默然而住不更解釋時大菩薩衆中有菩薩摩訶薩名解脫月知諸菩薩心之所念以偈問金剛藏菩薩言淨智念慧人何故說菩薩諸地名号已默然不解釋今諸大菩薩心皆懷猶豫何故說是名而不演其義大智諸菩薩咸皆欲聽聞如是諸地義願為分別說是諸菩薩衆清淨無瑕穢安住堅實法具足智切德皆以恭敬心瞻仰於仁者願欲聞所說如渴思甘露金剛藏菩薩聞說是事已欲令大衆悅即時說頌言諸菩薩所行第一難思議分別是諸地諸佛之根本微妙甚難見非心所能及從佛智慧出若聞則迷沒持心如金剛深信佛智慧以為第一妙心無有疑難遠離計我心及心所行地如是諸菩薩乃能聽聞寂滅无漏智分別說甚難如畫於虛空如執空中風我念佛智慧第一難思議衆生少能信是故我默然解脫月菩薩聞說此已語金剛藏菩薩言佛子是大菩薩衆深心清淨善行菩薩道善集助道法善能供養恭敬

諸佛於元量佛多種善根成就無量
深厚功德離癡疑悔无有貪著及諸
結闕深心信解安住不動於是法中
不隨他教是故佛子當承佛力敷演
此義是諸菩薩於是深法皆能證知
時解脫月欲重宣此義而說偈言
願說安隱法 菩薩無上行 分別於諸地
令智慧清淨 眾智淨无垢 安住深信解
於諸無量佛 證知十地義

尔時金剛藏菩薩言佛子是諸大
眾雖皆清淨離癡疑悔於此事中不
隨他教其餘樂小法者聞是甚深難
思議事或生疑悔是人長夜受諸衰
惱我愍此等是故默然尔時金剛藏
菩薩欲明了此義而說偈言
是眾雖清淨 深智離疑悔 其心已決定
不復隨他教 無動如須弥 不亂如大海

其餘不久行 智慧未明了 隨識不隨智
聞已生疑悔 彼將墜惡趣 愍念故不說
解脫月菩薩言佛子願承佛力善分
別此不可思議法佛所護念事令人
易信解所以者何善說十地義十方
諸佛法應護念一切菩薩護是事故

勤行精進何以故是菩薩最上而行
得至一切諸佛法故譬如所有經書
皆初章所攝初章為本無有一字不
入初章者如是佛子十地者是一切
佛法之根本菩薩具足行是十地能
得一切智慧是故佛子願說此義諸
佛護念加以神力令人信受不可破
壞尔時解脫月菩薩欲顯此義而說
偈言
善哉智慧子 清淨行具足 願說十地行
所入十地法 具足於智慧 得以成菩提
所有十方佛 寂勝人中尊 皆共護念汝
說是十地義 十地為根本 是名有行處
亦為究竟道 佛無量法聚 譬如諸文字
皆攝在初章 諸佛功德智 十地為根本
尔時諸菩薩一時同聲以偈請金剛
藏菩薩言
上妙智慧人 樂說无有量 德重如山王
哀愍說十地 戒念智慧清淨 說是十地義
十力之根本 無閼智奉行 戒定慧功德
集在仁者心 愍憐諸邪見 皆悉已滅盡
是眾元疑心 唯願聞善說 譬如渴思水
如飢思美食 如病思良醫 如逢欲食客

我等亦如是 聞甘露法味 是故曠大意
願開初地門 乃至第十地 次第為我說
尔時釋迦牟尼佛從眉間白毫相放
菩薩力明光焰百千阿僧祇光以為
眷屬放斯光已普照十方諸佛世界
靡不同遍三惡道皆得休息悉照
十方諸佛大會說法之眾顯現如來
不思議力是光明遍照十方諸佛大
會諸菩薩身已於上虛空中成大光
明雲臺十方諸佛亦復如是從眉間
白毫相俱放菩薩力明光焰百千阿僧
祇光以為眷屬普現如來不思議力
悉照一切諸佛大會及娑婆世界
釋迦牟尼佛大眾并娑金剛藏菩薩
摩訶薩及師子座焰已於上虛空中
成大光明雲臺時諸大光明雲臺中
諸佛神力故而說偈言
無等等諸佛 功德如虛空 十力元畏等
寂尊世間主 於釋迦佛前 而現此神力
以佛力開現法王師子藏 說諸地所行
諸地義差別 承諸佛力說 無有能壞者
若人間法寶 則為諸佛護 漸次具諸地
得以成佛道 若人堪任聞 雖在於大海

諸佛神力故而說偈言
無等等諸佛 功德如虛空 十力元畏等
寂尊世間主 於釋迦佛前 而現此神力
以佛力開現法王師子藏 說諸地所行
諸地義差別 承諸佛力說 無有能壞者
若人間法寶 則為諸佛護 漸次具諸地
得以成佛道 若人堪任聞 雖在於大海

十住經第一 第十段 戒

及切盡火中 必得聞此經 若人疑疑悔
終不能得聞 是故令佛子 說諸地智道
入勢力觀法次第而修行 得至於餘地
各得所利益利一切世間 願說勿令新
余時金剛藏菩薩觀察十方欲令大
眾增益信敬而說偈言

諸佛聖主道 微妙甚難解 非思量所得
唯智者行履 其性從本來 寂然無生滅
從本以來空 滅除諸苦惱 遠離於諸趣
等同涅槃相 无中亦無後 非言辭所說
出過於三世 其相如虛空 諸佛所行處
清淨深寂滅 言說所難及 地行亦如是
說之猶尚難 何況以示人 諸佛之智慧
離諸心數道 不可得思議 非有陰界入
但以智可知 非識之所及 如空迹難說
何可示其相 十地義如是 非無邊心知
是事雖為難 發願行慈悲 漸次具諸地
非心所能及 如是諸地行 微妙甚難見
不可以心知 當承佛力說 汝等當恭敬
咸共一心聽 諸地相入行 修習出法門
於無量億劫 說之不可盡 今如實略說
其義无有餘 一心恭敬待 今承佛力說
大音唱因喻 義名不相違 佛神力無量

十住經第一 第十一段 戒

今皆在我身 我之所說者 如大海一滯
金剛藏菩薩說此偈已告於大眾諸
佛子若眾生厚集善根修諸善行善
集助道法供養諸佛集諸清白法為
善知識所護入深廣心信樂大法心
多向慈悲好求佛智慧如是眾生乃
能發阿耨多羅三藐三菩提心為得
一切種智故為得十力故為得大無
畏故為得具足佛法故為救一切世
間故為淨大慈悲心故為向十方无
餘無閼智故為淨一切佛國今无餘
故為於一念中知三世事故為自在
轉大法輪廣示現佛神力故諸菩薩
摩訶薩生如是心諸佛子是心以大
悲為首智慧增上方便所護直心深
心淳至量同佛力善籌量眾生力佛
力趣向元闍智隨順自然智能受一
切佛法以智慧教化廣大如法性究
竟如虛空盡於後際諸佛子菩薩生
如是心即時過凡夫地入菩薩位生在
佛家種姓无可譏嫌過一切世間道
入出世間道住菩薩法中在諸菩薩
數等入三世如來種中畢定究竟何

十住經第一 第十二段 戒

釋多羅三藐三菩提菩薩住如是法
名住歡喜地以不動法故諸佛子菩
薩摩訶薩住是歡喜地多喜多信多
清淨多踊悅多調柔多堪受不好聞
諍不好惱亂眾生不好瞋恨諸佛子
諸菩薩住是歡喜地念諸佛故生歡
喜心念諸佛法故生歡喜心念諸菩
薩摩訶薩故生歡喜心念諸菩薩所
行故生歡喜心念諸波羅蜜清淨相
故生歡喜心念諸菩薩與眾殊勝故
生歡喜心念諸菩薩力不可壞故生
歡喜心念諸如來教化法故生歡喜
心念能為利益眾生故生歡喜心念
一切佛一切菩薩所入智慧門方便
故生歡喜心諸佛子菩薩復作是念
我轉離一切世間界生歡喜心入一
切佛平等中生歡喜心遠離凡夫地
生歡喜心近到智慧地生歡喜心斷
一切惡道生歡喜心與一切眾生作
依止生歡喜心近見一切諸佛生歡
喜心生諸佛境界生歡喜心入一切
諸菩薩數生歡喜心我離一切驚怖
毛豎等生歡喜心所以者何是菩薩

釋多羅三藐三菩提菩薩住如是法
名住歡喜地以不動法故諸佛子菩
薩摩訶薩住是歡喜地多喜多信多
清淨多踊悅多調柔多堪受不好聞
諍不好惱亂眾生不好瞋恨諸佛子
諸菩薩住是歡喜地念諸佛故生歡
喜心念諸佛法故生歡喜心念諸菩
薩摩訶薩故生歡喜心念諸菩薩所
行故生歡喜心念諸波羅蜜清淨相
故生歡喜心念諸菩薩與眾殊勝故
生歡喜心念諸菩薩力不可壞故生
歡喜心念諸如來教化法故生歡喜
心念能為利益眾生故生歡喜心念
一切佛一切菩薩所入智慧門方便
故生歡喜心諸佛子菩薩復作是念
我轉離一切世間界生歡喜心入一
切佛平等中生歡喜心遠離凡夫地
生歡喜心近到智慧地生歡喜心斷
一切惡道生歡喜心與一切眾生作
依止生歡喜心近見一切諸佛生歡
喜心生諸佛境界生歡喜心入一切
諸菩薩數生歡喜心我離一切驚怖
毛豎等生歡喜心所以者何是菩薩

摩訶薩得歡喜地所有諸怖畏即皆
遠離所謂不活畏惡名畏死畏墮惡
道畏大衆威德畏離如是等一切諸
畏何以故是菩薩離我相故尚不貪
身何況所用之事是故无有不活畏
也心不怖望供養恭敬我應供養衆
生供給所須是故無有惡名畏也離
我見无我相故无有死畏又作是念
我若死已生必不離諸佛菩薩是故
無有墮惡道畏我所志樂无與等者
何況有勝是故無有大衆威德畏也
諸佛子如是菩薩離諸驚怖毛豎等
事諸佛子是菩薩以大悲為首深大
心堅固轉復勤修一切善根所謂以
信心增上多行淨心解心清淨多以
信心分別起悲愍心成就大慈心不
疲懈以慚愧在嚴成就忍辱柔和敬
順諸佛教法信尊重尊貴日夜常修善
根无厭親近善知識常受樂法求多
聞無厭如所觀法正觀心不貪著不
求利養名聞恭敬一切資生之物心
无慳吝常生實心無有厭足貪樂一
切智地常欲得諸佛力元畏不共法

求助諸波羅蜜法離諸諂曲如說能
行常行實語不汙諸佛家不捨菩薩
學戒生薩婆若心不動如大山王不
樂一切世間諸事成就出世間善根
集助菩提分法無有厭足常求勝中
勝道諸佛子菩薩摩訶薩成就如是
淨治地法名為安住菩薩歡喜地菩
薩如是安住歡喜地發諸大願生如
是決定心所謂我當供養一切諸佛
皆无有餘一切供養之具隨意供養
心解清淨發如是大願廣大如法性
究竟如虛空盡未來際盡供養一切
劫中所有諸佛以大供養具無有休
息又一切諸佛所說經法皆悉受持
攝一切諸佛阿耨多羅三藐三菩提
故一切諸佛所教化法悉皆隨順一
切諸佛法皆能守護發如是大願廣
大如法性究竟如虛空盡未來際盡
皆守護一切劫中一切佛法無有休
息又一切世界一切諸佛從梵率天
來下入胎及在胎中初生時出家時
成佛道時悉當勸請轉大法輪示入
大涅槃我於今時盡往供養攝法為

首三時轉故發如是大願廣大如法
性究竟如虛空盡未來際盡一切劫
奉迎供養一切諸佛無有休息又一
切諸菩薩所行廣大高遠无量不可
壞無有分別諸波羅蜜所攝諸地所
淨生諸助道法有相无相道有成有
壞一切菩薩所行諸地道及諸波羅
蜜本行教化令其受行心得增長發
如是大願廣大如法性究竟如虛空
盡未來際盡一切劫中諸菩薩所行
以法教化成熟衆生無有休息又一
切衆生若有色若无色若有想若無
想若非有想非无想若卵生若胎生
若濕生若化生三界繫入於六道在
一切生處名色所攝為教化成熟一
切衆生斷一切世間道令住佛法集一
切智慧使無有餘發如是大願廣大
如法性究竟如虛空盡未來際盡一
切劫教化一切衆生无有休息又一
切世間廣狹極高無量不可分別不
可移動不可說盡細正住倒住首足
相對平坦圓方隨入如是世間智如
帝網經幻事差別如是十方世界差

十住經卷第一 第十八 戒
別皆現前知發如是大願廣大如法
性究竟如虛空盡未來世盡一切劫
如是世界皆現前淨知無有休息又
以一切佛土入一佛土一佛土入一切
佛土一佛土无量光明莊嚴難諸
垢穢具足清淨道有無量智慧衆生
悉滿其中常有諸佛大神通力隨衆
生心而為示現發如是大願廣大如
法性究竟如虛空盡未來際盡一切
劫清淨如是國土无有休息又一切
菩薩同心同學共集諸善無有怨嫉
俱緣一事等心和合常不相離隨意
能現佛身自於心中悉能解知諸佛
神力智力常得隨意神通悉能遊行
一切國土一切佛會皆現身相一切
生處普生其中有如是不可思議大
智慧具足菩薩行發如是大願廣大
如法性究竟如虛空盡未來世盡一
切劫行如是大智慧道無有休息又
乘不退輪行一切菩薩道身口意業
所作不空衆生見者即必定佛法聞
我音聲即得真實智慧道有見我者
心即歡喜離諸煩惱如大藥樹王為

十住經卷第一 第十八 戒
得如是心行諸菩薩道發如是大願
廣大如法性究竟如虛空盡未來世
盡一切劫行不退道所作不空无有
休息又於一切世界皆得阿耨多羅
三藐三菩提於一毛頭示身入胎出
家坐道場成佛道轉法輪度衆生示
大涅槃現諸如來大神智力隨一切
衆生所應度者念念中得佛道度衆
生滅苦出知一切法如涅槃相以一
音聲令一切衆生皆使歡喜示大涅
槃而不斷菩薩行示衆生大智地
使知一切法皆是假偽大智慧大神
通自在變化故發如是大願廣大如
法性究竟如虛空盡未來際盡一切
劫得佛道事求大智慧大神通等无
有休息諸佛菩薩住歡喜地以十
願為首生如是等百万阿僧祇大願
以十不可盡法而生是願為滿此願
勤行精進何等為十一衆生不可盡
二世間不可盡三虛空不可盡四法
性不可盡五涅槃不可盡六佛出世
不可盡七諸佛智慧不可盡八心緣
不可盡九起智不可盡十世間道種

十住經卷第一 第十八 戒
法道種智慧道種不可盡如衆生盡
我願乃盡如世間盡如虛空盡如法
性盡如涅槃盡如佛出世盡如諸佛
智慧盡如心緣盡如起智慧盡如道
種盡我願乃盡而衆生實不可盡世
間虛空法性涅槃佛出世諸佛智慧
心緣起智道種實不可盡我是諸願
福德亦不可盡諸佛菩薩決定發
是大願則得利安心柔軟心調順心
善心寂滅心和潤心直心不亂心不
燒心不濁心如是則成信者樂心信
相分別功德信諸佛本所行道信行
諸波羅蜜而得增長信善入諸地得
殊勝功德信得成佛十力信具足四
無所畏信不共法不可壞信諸佛云
不可思議信諸佛力无中無邊信諸
如來无量行門信從因緣以成果報
舉要言之信諸菩薩普行諸佛功德
智慧威神力等諸佛菩薩作是念
諸佛正法如是甚深如是難相如是
寂滅如是空如是无相如是無作如
是无染如是無量如是廣大如是難
壞而諸凡夫心墮邪見為无明疑具

蔽其慧眼常立憍慢憍墮在渴愛網
 隨順諂曲常懷慳嫉而作後身生處
 因緣多集貪欲瞋恚愚癡起諸重業
 嫌恨猛風吹罪心火常令熾盛有所
 施作皆與顛倒相應欲流有流无明
 流見流相續起心意識種於三界地生
 苦惱牙所謂名色和合增長六入諸入
 外塵相對生觸觸因緣故生諸受深
 樂受故生渴愛渴愛增益生取取
 增長故復起後有有因緣故有生老
 死憂悲苦惱如是因緣集諸苦聚衆
 生受諸苦惱是中無我无我所無作
 者元受者無知者如草木瓦石又亦
 如影凡夫可憊不知不覺而受苦惱
 菩薩於此見諸衆生不免諸苦即生
 大悲智慧是諸衆生我等應救又欲
 令住畢竟佛道之樂即生大慈智慧
 菩薩摩訶薩隨順如是大慈悲法以
 深妙心住在初地於一切物無所貪
 惜尊重諸佛大妙智故學行大捨即
 時所有可施之物盡能施與所謂穀
 麥庫藏金銀摩尼珠車渠馬瑙琉璃
 珊瑚琥珀珂貝瓔珞嚴身之具諸珍

寶等及爲馬車乘輦舉人民奴婢眷
 屬園土城邑聚落廬舍園林遊觀婁
 子男女一切所受皆悉捨與頭目耳鼻
 支節手足舉身皆與深重佛智故而
 不貪惜菩薩摩訶薩住於初地能行
 大捨是菩薩以大悲心大捨心救一
 切衆生故轉勤推求世間出世間利
 益勝事心無疲懈是故菩薩生无疲
 憊功德於諸經書能自開解是故生
 知經書功德得如是知經書智慧善
 能籌量應作不應作於上中下衆生
 隨宜而行隨有依止來親近者隨力
 利益是故菩薩生世智功德得世智
 功德則知時知量慚愧莊嚴修習自
 利利彼之道是故則生慚愧功德如
 是功德行中精勤修行心不懈退是
 精進不退功德即時得堪受得力得堪
 受得力已勤行供養諸佛隨佛所說如說
 而行諸佛子是菩薩慈知生起如是清
 淨地法所謂信慈悲捨不疲憊知諸
 經書善解世法慚愧堪受供養諸
 佛如所說行又是菩薩住歡喜地以
 發願故廣見於諸佛數百數千數萬

億那由他佛菩薩見諸佛時心大歡
 喜深心愛敬以菩薩樂具供養諸佛
 及供養僧以是福德皆迴向阿耨多
 羅三藐三菩提是菩薩因供養諸佛
 故生教化衆生法多以二攝攝取衆
 生所謂布施愛語後二攝法但以信
 解力行未善通達是菩薩隨所供養
 諸佛教化衆生皆能受行清淨地法
 如是諸功德皆自然迴向薩婆若轉
 益明顯堪任有用譬如佛子金師鍊
 金隨以火力調柔可用增益光色如
 是菩薩隨供養諸佛教化衆生受行
 清淨諸地之法此諸功德皆自然迴
 向薩婆若轉益明顯隨意所用又諸
 佛子菩薩摩訶薩於初地中相貌得
 果應從諸佛菩薩善知識所諮受請
 問成地之法不應厭廢是菩薩住初
 地中應於諸佛菩薩善知識所諮受
 請問第二地中相貌得果無有厭足
 如是第三第四第五第六第七第八
 第九第十地中相貌得果應從諸佛
 菩薩善知識所諮受請問成十地法
 元有廢厭是菩薩慈應善知諸地逆

十住論卷第一 第三十五

順法善知諸地成壞善知諸地相貌
因果善知諸地得捨善知諸地清淨
行分善知諸地從一地至一地行善
知諸地是處非是處善知諸地轉所
住處善知諸地初事後事差別善知
諸地得不退轉相乃至善知一切菩
薩清淨地法善知如來智地諸佛
子如是諸菩薩善知諸地相未發初
地乃至十地知無障闕得諸地智慧
光明故能得諸佛智慧光明諸佛子
如大商主多將賈人欲至大城應先
問道路退還過各在道利害未發初
處知道宿時乃至善知到彼城事能
以智慧思惟籌量具諸資用令无所
乏正導人衆得至大城於險道中免
諸患難身及諸人皆無憂惱諸佛子
菩薩摩訶薩亦復如是住初地而善
知諸地地順法乃至善知淨一切菩
薩清淨地法善知如來智地
今時菩薩集大福德智慧資糧為衆
生商主隨宜教化令出生死險難惡履
示安隱道乃至令住薩婆若智慧大
城無諸衰惱是故諸佛子菩薩摩訶

十住論卷第一 第三十六

薩常應心不疲憊勤修諸地本行乃
至善知如來智地諸佛子是名略
說菩薩摩訶薩入歡喜地門廣說則
有無量百千萬億阿僧祇事菩薩摩
訶薩住在此地多作閻浮提王豪貴
自在常護正法能以布施攝取衆生善
除衆生慳貪之垢常行大施而不窮
匱所作善業若布施若愛語若利益
若同事是諸福德皆不離念佛不離
念法不離念諸菩薩摩訶薩伴不離
念諸菩薩所行道不離念諸波羅蜜
不離念十地不離念諸力無畏不共
法乃至不離念具足一切種智常生
是心我當於一切衆生之中為首為
勝為大為妙為上為无上為導為將
為師為尊乃至於一切衆生中為依
止者諸佛子是菩薩摩訶薩若欲捨
家勤行精進須臾之間於佛法中便
能捨家妻子五欲得出家已勤行精
進須臾之間得百三昧得見百佛知
百佛神力能動百佛世界能飛過百
佛世界能燃百佛世界能教化百佛
世界衆生能住壽百劫能知過去未

十住論卷第一 第三十七

來世各百劫事能善入百法門能變
身為百於一身能示百菩薩以為
眷屬若以願力自在示現過於此數
若干百千萬億那由他不可計知亦
時金剛藏菩薩摩訶薩欲重明此義
而說偈言
若有諸衆生 厚修集善根 成就於白法
親近於諸佛 清淨信力大 隨順慈悲心
如是人能發 無量之佛智 諸佛一切智
元量力清淨 堪受堅牢 成就諸佛法
悲心救世間 淨修諸佛國 敷演轉法輪
發此無上願 一念知三世 而无有別異
種種時差別 以示於世間 略說則盡求
諸佛之功德 發於廣大心 猶若如虛空
悲心智慧首 方便合修行 淨信深心故
其力無有量 心向无障導 而不隨他教
同諸佛平等 而生於大心 諸佛子當生
如是之實心 即離凡夫行 入於佛所行
即生如來家 無有可譏嫌 則同於諸佛
必成无上道 生如是心時 即便得初地
其心不可動 猶若如山王 是菩薩便有
大喜相顯現 其心常清淨 堪受於大事
心不樂聞訟 不好惱衆生 无有瞋恨心

樂慚愧恭敬 又習行直心 守護於諸根
 常念救世間 念求諸佛智 心生於歡喜
 我當得此事 得於歡喜地 即過五恐怖
 不活畏死畏 及與惡名畏 三惡道怖畏
 大衆威德畏 以不貪著我 及與我所故
 是諸佛子等 速離諸怖畏 常行慈悲心
 恒有信恭敬 慚愧功德備 晝夜增善法
 樂切德實利 不樂於諸欲 如有所聞法
 能常善思惟 無有貪著行 斷諸利養心
 常樂於菩提 一心求佛智 行諸波羅蜜
 離於諂曲心 隨說而能行 安住實語中
 不汙諸佛家 不捨菩薩學 遠世間事業
 樂利於世間 求善法無厭 精進轉增益
 諸菩薩如是 好樂諸功德 而發於大願
 求欲見諸佛 護法至佛所 行菩薩妙行
 化一切衆生 淨一切佛土 我佛國土中
 滿諸大菩薩 諸菩薩同心 見聞皆不空
 一切微塵中 諸佛成佛道 發於如是等
 無量无边願 是願無窮盡 如虛空衆生
 法性世涅槃 諸佛出智慧 心緣起智種
 我願如是住 如是發大願 心柔軟調順
 能信佛功德 而觀於衆生 知從因緣起
 則生慈悲心 即於苦衆生 我當救度之

為是衆生故 而行種種施 所謂妙國土
 上妙諸珍寶 為馬及車乘 眷屬與人民
 頭目及手足 肌肉施元悔 求種種經書
 心無有疲倦 得解其義趣 能隨世而行
 慚愧堪受心 漸令得增長 能以恭敬心
 供養無量佛 智者於日夜 如是常修行
 善根得明了 猶若成鍊金 菩薩住是地
 能了知十住 展轉修行時 无有諸障導
 辟如賈客主 欲利諸商人 先問道路中
 諸險難難事 菩薩住初地 應知諸地行
 而無有障導 能至於佛地 住是初地中
 多作閻浮王 善知於諸法 常行慈悲心
 如法而化導 一切皆信敬 勸令行布施
 以求佛智慧 菩薩若捨國 佛法中出家
 勤行於精進 所得百三昧 及見百諸佛
 震動百國土 光明照百國 飛行亦如是
 化百土衆生 入於百法門 念知百劫事
 示現百種身 能以百菩薩 眷屬而示現
 若以其願力 過是數无量 今明初地義
 但以略解說 若欲廣說者 億劫不能盡
 是初菩薩地名之為歡喜 利益衆生者
 今已分別說 難垢地第二

一切菩薩衆 聞說上地義 其心皆清淨
 歡喜元有量 各於所坐處 踊住虛空中
 脫身上妙衣 以散金剛藏 咸皆稱讚言
 善哉金剛藏 大智無所畏 善說菩薩地
 解脫月大士 知衆心清淨 欲聞第二地
 相貌之所說 即請金剛藏 大智願解說
 第二地相貌 一切皆欲聞
 尔時金剛藏菩薩摩訶薩語解脫月
 菩薩言佛子 諸菩薩摩訶薩已具足
 初地欲得第二地者 當生十心何等
 為十一系軟心 二調和心 三堪受心
 四善心 五寂滅心 六真心 七不離心
 八無貪恡心 九快心 十大心 若諸菩
 薩摩訶薩已具足初地欲得第二地者
 先當生是十心 諸佛子 菩薩欲住是
 難垢地從今已來 離一切煞生捨棄
 刀杖无瞋恨心 有慚有愧於一切衆
 生起慈悲心 常求樂事尚不惡心惱
 於衆生何況惡惡離諸劫盜資生之
 物常自滿足不壞他財若物屬他他
 所受用他所攝者於是物中一草一
 葉不與不取何況過者離於邪姪自
 足妻色不求外欲屬他女人尚不生

十住經卷第一 第五人法 戒

心何況從事難於妄語常真語實語
諦語隨語不作憎惡妄語乃至夢中
尚不妄語何況故作妄語難於兩舌
無破壞心此聞不向彼說彼聞不向
此說於聞諍離散人中常好和合離
於惡口所有言語虛誕苦惡令他瞋
惱又以瞋慢令他怖畏惱熱不愛不
喜自壞其身亦壞於他如是等語皆
悉捨離所有言語甚可喜樂美妙悅
耳能化人心和柔具足多人愛念能
令他人歡喜悅樂常出如是之語離
於綺語常自守護所可言說應作不
作常知時語實語利益語順法語壽
量語不為戲樂語乃至戲笑尚不綺
語何況故作不貪他物若有屬他他
所貪著他所攝用不作是念我當取
之離瞋害心熾恨心迫熱心等常於
衆生求好事心愛潤心利益心慈悲
心離於片相習行正見決定深信罪
福因緣離於諂曲誠信三寶生決定
心菩薩如是常護善道作是思惟衆
生墮諸惡道者皆由十不善道因緣
我今當自住十善法亦當為人說諸善

十住經卷第一 第六人法 戒

法示正行處何以故若人自不行善
為他說法令住善者無有是處又是
菩薩復深思惟行十不善道因緣故
則墮地獄畜生餓鬼行十善道因緣
故則生人處乃至有頂處生又是十
善道與智慧慈和合修行心劣弱者樂
少功德畏長三界大悲心薄從他聞
法至聲聞乘復有人行是十善道不
從他聞自然得知不能具足大悲方
便能深入衆因緣法至辟支佛乘
復有人行是十善道清淨具足其心
廣大元量無邊於衆生中起大慈悲
有方便力志願堅固不捨一切衆生
故求佛大智慧故清淨菩薩諸地故
能淨諸波羅蜜故能入深廣大行又
能清淨行是十善道乃至能得佛十
力四無所畏四元智智大慈大悲乃
三具足一切種智集諸佛法是故我
等應行十善道常求一切智慧是等
薩復作是思惟此十不善道上者地
獄日緣中者畜生因緣下者餓鬼日
緣於中煞生之罪能令衆生墮於地
獄畜生餓鬼若生人中得二種果報

十住經卷第二 第七人法 戒

一者短命二者多病劫盜之罪亦令
衆生墮於地獄畜生餓鬼道若生人
中得二種果報一者貧窮二者共財
不得自在邪淫之罪亦令衆生墮於
地獄畜生餓鬼道若生人中得二種
果報一者婦不貞良二者得不隨意
眷屬妄語之罪亦令衆生墮三惡道
若生人中得二種果報一者多被誹
謗二者恒為多人所誑兩舌之罪亦
令衆生墮三惡道若生人中得二種
果報一者得弊惡眷屬二者得不和
眷屬惡口之罪亦令衆生墮三惡道
若生人中得二種果報一者常聞惡
音二者所言說恒有諍訟綺語之
罪亦令衆生墮三惡道若生人中得
二種果報一者所有言語人不信受
二者有所言說不能分了貪欲之罪
亦令衆生墮三惡道若生人中得二
種果報一者多欲二者無有厭足瞋
惱之罪亦令衆生墮三惡道若生人
中得二種果報一者常為他人求其
長短二者常為他所惱害邪見之罪
亦令衆生墮三惡道若生人中得二

種果報一者常生邪見之家一者其心諂曲諸佛子如是十不善道皆是衆苦大聚因緣菩薩復作是念我等何故不遠離是十不善道行十善道亦令他人行此善道如是念已即離十不善道安住十善道亦令他人發心住於善道是菩薩亦時於一切衆生中男女隱心樂心慈心悲心憐愍心利益心守護心師心大師心我所有心作是念是諸衆生墮於邪見隨逐邪心行邪險道甚可憐愍我等應令是衆生住正見道如實法中是諸衆生常共瞋恨鬭諍分別彼此我等應令是衆生住无上大慈中是諸衆生無有厭足常貪他人財物恒以邪命自活我等應令是衆生住於清淨身口意業是諸衆生隨逐貪欲瞋恚愚癡因緣常為種種煩惱大火之所燒然不求得出方便我等應令是衆生滅諸煩惱大火安置清涼之處是諸衆生常為無明黑闇所覆入大黑闇遠離智慧慧光明入於生死大險道中隨逐種種邪見我等應令是衆生

使得無尋清淨慧眼以是眼故知一切法如實相得不隨他教一切如實无障導智是諸衆生墮在生死險道中將墮地獄畜生餓鬼深坑入惡邪見網中為種種愚癡業林所覆隨逐虛妄邪道遙路常為愚癡之所盲冥遠離有智導師非是出道謂為出要墮惡魔道隨順魔意遠離佛意我等應令是衆生度於生死險道艱難安處令住一切智人元畏大城無諸憂惱是諸衆生為諸煩惱暴水所沒常為欲流有流見流無明流所漂常隨生死相續不絕入大愛河為諸煩惱勢力所食不能得求出要之道常為欲覺瞋覺惱覺惡見所害又為身見水五羅刹所執入於五欲深流洄洑諸難之中為喜愛淤泥之所染汙我憐陸地之所焦枯无所歸趣於十二入然賊聚落不能得出不遇導師能正度者我等應於是衆生住大慈悲以大善根力而拔濟之得安隱處離諸驚怖隱沒住一切智慧實洲是諸衆生深心貪著多有憂悲苦惱患難憎

愛所縛欲城所繫入於三界无明稠林我等應令是衆生遠離一切三界所著令住離相無尋涅槃是諸衆生深著我我所於五陰標窟不能自出常隨四倒依六入空聚為四大毒蛇之所侵害為諸煩惱衆賊所然受此无量諸苦惱者我等應令是衆生離一切貪著令住空無我智道所謂涅槃斷一切障導是諸衆生其心狹劣樂於小法遠離无上一切智慧以是貪著小乘心故不求無底大乘出法我等應令是衆生住廣大心无量無邊諸佛法中所謂无上大乘諸佛子是菩薩如是隨順持戒力善能廣生大慈悲心是菩薩住離垢地得見數百佛數千萬億那由他諸佛見諸佛已以衣被飲食卧具醫藥資生之物供養諸佛於諸佛所生恭敬心復受十善道受已乃至得阿耨多羅三藐三菩提終不中失是菩薩若千多百多千乃至多百千萬億劫遠離慳貪破戒垢故淨脩布施持戒諸佛子譬如成鍊真金在礬石中諸一切垢盡

十住經卷第一 第三十地 戒

轉復明淨菩薩亦如是住是離垢菩薩地中多百多千乃至无量百千萬劫離慳貪破戒垢故淨修布施持戒菩薩亦時於四攝法中受語偏多十戒羅蜜中戒波羅蜜偏勝餘波羅蜜非不修集但隨地增長諸佛子是名菩薩摩訶薩第二離垢地菩薩住是地中多作轉輪聖王為大法王廣得法力七寶成就有力自在能除一切衆生慳貪破戒之垢以善方便令衆生住於十善道中為大布施而不窮盡所作善業若布施若受語若利益若同事皆不離念佛不離念法不離念諸菩薩摩訶薩伴不離念諸菩薩所行道不離念諸波羅蜜不離念十地不離念諸力無畏不共法乃至不離念具足一切種智常生是心我當於一切衆生之中為首為勝為大為妙為上為無上為尊為將為師為尊乃至於一切衆生中為依止者諸佛子是菩薩摩訶薩若欲捨家勤行精進須臾之間於佛法中便能捨家妻子五欲得出家已勤行精進須

十住經卷第一 第三十地 戒

臾之間得千三昧得見千佛知千佛神力能動千佛世界能飛過千佛世界能照千佛世界能教化千世界衆生能住壽千劫能知過去未來世各千劫事能善入千法門能變身為千於一身能示千菩薩以為眷屬若以願力自在示現過於此數若干百千萬億那由他不可計知今時金剛藏菩薩摩訶薩欲重明此義而說偈言

菩薩示歡心調和堪受心善心寂滅心真心不離心無有貪恡心快心與大心得是十心入於第二地菩薩住是地成就諸功德常離於然生不惱於一切常離於劫盜不生邪淫心實語不兩舌不惡口綺語他人所有物不生於貪心不惱於衆生直心行正見無有憍慢心亦不諂曲心柔軟不放逸護持諸佛教所有劇苦惱地獄與畜生餓鬼熾然身皆從惡心有我今已永離如是諸惡事行於真實理寂滅之善法從人至有頂所有受樂慶禪樂三乘樂皆從十善生如是思惟已心常不放逸身自持淨戒

十住經卷第一 第三十地 戒

亦教人令持通觀諸衆生種種受苦惱如是慈念已轉生深悲心凡夫甚可愍墮在諸邪見心多懷瞋恨常好起諍訟常樂於五欲貪求無有歇起三毒因緣我應度此等深覆惡礙間墮生死險道入大邪見網墮於世龍檻常為諸魔賊煩惱之所壞此等甚可愍我應度脫之浸深煩惱水四流所漂湧具受於三界百種諸苦毒住五陰深穢生我我所心我為度此苦當勤修行道捨无上佛慧生於下劣心令住佛大智發無量精進菩薩住此地集无量功德得值遇諸佛承事而供養以是因緣故善根轉明淨猶如好真金鍊之以礬石佛子住此地常作轉輪王令諸衆生等住於十善道從初發心來所修集諸福願以救世間令得佛十力若欲捨王位出家行學道勤心行精進得入千三昧得見數千佛供養聽受法菩薩住此地能示如是事若以其願力示諸神通事度脫於衆生過此數无量常為諸世間勤求好事者具足解說此第二地已竟

十住經卷第一

壬寅歲高麗國大藏都監奉
勅彫造

十住經卷第二

戒

後秦三藏鳩摩羅什譯

明地第三

諸菩薩聞是不可思議行心皆大歡喜
恭敬無有量即時虛空中雨眾名華香
如雲而垂下供養金剛藏咸讚言善哉
善哉金剛藏善說諸大人護持淨戒行
於諸眾生中深有憐愍心敷演解說
第二地行處菩薩微妙行真實無有異
是諸菩薩等清淨之行處為一切眾
常求諸好事第二淨明地今已解說竟
天人恭敬者願說第三地善示智所作
菩薩之所行願說諸大人云何行布施
持戒及忍辱精進行禪定智慧與方便
并及慈悲心云何行是法清淨於佛行
解脫月菩薩語金剛藏言菩薩至三地
當以何等心

金剛藏菩薩摩訶薩語解脫月菩薩
言佛子諸菩薩摩訶薩深淨心行第
二地已欲得第三地當以十心得入
第三地何等為十一淨心二猛利心
三歡心四離心五不退心六堅心七

十住經卷第二 第三品 戒

明盛心八無足心九快心十大心諸
佛子是菩薩摩訶薩以是十心得入
第三地能觀一切有為法如實相而
謂無常苦空无我不淨不久敗壞不可
信相念念生滅又不生不滅不從前
際來不去至後際現在不住菩薩如
是觀一切有為法真實相知此諸法
無作无起無来无去而諸眾生憂悲
苦惱憎愛所繫無有停積无定生處
但為貪恚癡火所然增長後世苦惱
火聚無有實性猶如幻化見如是已
於一切有為法轉復歇離趣佛智慧
是菩薩知如來智慧不可思議不可
稱量有大勢力无能勝者無有雜相
无有衰惱憂悲之苦能至無畏安隱
大城不復轉還能救无量苦惱眾
如是見知佛智無量見有為法元量
苦惱於一切眾生轉生殊勝十心何
等為十眾生可憐孤獨无救貧窮無
所依止三毒之火熾然不息開在三
有牢固之獄常住煩惱諸惡剎林无
正觀力於善法中欲樂心薄失諸佛
妙法而常隨順生死水行驚畏惛昧

十住經卷第二 第三品 戒

是菩薩見眾生如是多諸衰惱發大
精進是諸眾生我應救我應解應令
清淨應令得脫應著善處應令安住
應令歡喜應知所宜應令得度應使
滅苦菩薩如是善速離一切有為法
深念一切眾生見諸佛一切智有無
量利益即時欲具佛智慧救度眾
故勤行菩薩道作是思惟以何因緣
以何方便是諸眾生墮在大苦諸煩
惱中當拔出之使得永住畢竟常樂
即時知住无尋解脫智慧中者乃可
得此是无尋智慧解脫不離通達諸
法如寶智无行行慧如是智慧之明
從何而得當知不離多聞決定智慧
復作是念無尋解脫等諸佛法以何
為本不離聞法為本菩薩如是念已
一切求法時轉加精進日夜常樂聽
法無有厭足心无休息喜法受法依
法隨法重法究竟法歸法救法隨順
行法菩薩如是方便求法所有珍寶
財物金銀等庫藏無所置惜於此物
中不生難想但於說法者生難遣想
為求法故於内外物無不能捨世間

十住經卷第二 第四段 戒

所有可布施者所謂國土人民眷屬田業財物摩尼寶珠金銀庫藏為馬輦臺象寶璽路諸嚴身之具妻子男女及支節手足耳目鼻舌舉身施與無所愛惜又為求法故於說法者盡心恭敬供養給侍破除慍懣我懣大懣諸惡苦惱元理等事悉能忍受深求法故若得一句未曾聞法勝得滿三千大千世界亦寶得聞正法一偈勝得轉輪聖王釋提桓因梵天王廣無量劫住是菩薩若有人來作是言我與汝佛所說法一句能淨菩薩所行道令汝得聞若能入大火坑受大苦者當以相與是菩薩作是念我受一句法故尚於三千大千世界火坑從梵天投下何況墮小火坑我等求法應盡受一切諸地獄苦猶應求法何況人中諸小苦惱為求法故發如是心又如所聞法心常喜樂慈能正觀是菩薩聞諸法已降伏其心於空閑處心作是念如說行者乃得佛法不可但以口之所言菩薩如是能住明地即離諸欲惡不善法有覺有觀

十住經卷第二 第五段 戒

離生喜樂入初禪滅覺觀內清淨心一處無覺元觀定生喜樂入二禪離喜故行捨心念安慧身受樂諸賢聖能說能捨常念受樂入三禪斷苦斷樂故先滅憂喜故不苦不樂行捨念淨入四禪是菩薩過一切色相滅一切有對相不念一切別異相故知無邊虛空即入虛空元色定處過一切虛空相知無邊識即入識元色定處過一切識相知無所有即入元所有無色定處過一切元所有處知非有想非無想安隱即入元色非有想非無想處但隨順諸法行故而不樂著是菩薩以慈心高廣元量無瞋元恨無惱害以信解力遍滿一方二方三方四方四維上下亦復如是悲心喜心捨心高廣元量無瞋恨元惱害以信解力遍滿一方第二三四方四維上下亦復如是是菩薩有種種神通力能動大地一身為多身多身為一身現滅還出石壁山障皆能徹過如行虛空於虛空中加趺而去猶如飛鳥入出於地如水無異履水如地身出

十住經卷第二 第六段 戒

烟焰如大火聚日月有大神德威力而能以手捫摸摩之身力自在乃至梵世是菩薩以清淨天耳過於人耳悉聞人天音聲遠近是菩薩以他心智如實知他心染心如實知染心離染心如實知離染心瞋心離瞋心癡心離癡心垢心離垢心小心大心散亂心如實知散亂心定心不定心縛心解心有上心無上心如實知有上心无上心如是以自心知他心是菩薩念知宿命諸所生處所謂一世二世三四五世乃至十二三十三四十五十乃至百世千世万世百千万億那由他世一切二劫乃至百千万億那由他無量劫數其中諸劫无量咸壞於諸劫中所經因緣慈能念知我生彼處如是種族如是姓名如是飲食如是苦樂如是久住我於彼死生於此間於此間死生於彼間如是種種相貌因緣慈能念知是菩薩天眼清淨過於人眼見衆生生死形色好醜善惡貧賤富貴趣善惡道隨業受報皆如實知所謂是諸衆生成就身

惡業成就口惡業成就意惡業距逆賢聖受邪見教起罪業因緣故身死墮惡道生在地獄是諸衆生成就善身業善口業善善意業不逆賢聖信受正見行善業因緣故死後生善處天上是菩薩於諸禪定解脫三昧能入能出而不隨生但見何處有助菩提法處以願力故能生其中是菩薩住明地中見數百千萬億那由他諸佛恭敬供養尊重讚歎衣服飲食具醫藥親近諸佛聽受經法聽受法已隨力而行是菩薩令時觀諸法不生不滅衆緣而有於百千萬億劫所集欲縛漸得微薄一切有縛一切無明縛皆悉微薄不復積集不積集故斷於邪貪邪瞋邪癡諸佛子譬如真金巧師鍊冶轉更精好光明倍勝菩薩亦如是住在明地不集三縛故斷於邪貪邪瞋邪癡諸善根轉增明淨是菩薩忍辱心柔軟心美妙心不壞心不動心不濁心不高心不下心一切所作不望報心他少有作當生報心不諂曲心不染亂心轉勝明淨令時

菩薩於四攝法中愛語利益偏多十波羅蜜中忍辱波羅蜜精進波羅蜜轉多餘助菩提法皆轉明淨諸佛子是名諸菩薩第三明地菩薩摩訶薩住是地中多作釋提桓因智慧猛利能以方便因緣轉諸衆生令離淫欲所作善業若布施若愛語若利益若同事皆不離念佛念法乃至不離念具足一切種智常生是我當何時於衆生中為首為尊乃至於一切衆生為依止者是人若欲勤加精進於須臾間能得十萬三昧乃至能示十萬菩薩以為眷屬隨其願力神通自在不可算數若千百千萬億那由他劫不可計知令時金剛藏菩薩欲令此義轉明故而說偈言

菩薩以是心能得第三地淨心狂歇心離心不退心堅心堪受心快心及大心以如是等心得入於三地智者住明地觀有為作法不淨無常苦元我壞敗相無有牢固性不久念念滅如是思惟知无有來去相見諸有為法如病如癰瘡愛心所纏縛生諸憂悲苦但為貪患癡

猛火所焚燒從無始世來熾然常不息即時於一切三界生厭離惡賤有為法心无所貪著但求諸佛智無量无边限甚深難思議清淨無諸苦如是見佛智元諸苦惱已哀愍諸衆生貧窮無福慧三毒火常然无有救護者墮在地獄中百種苦所切放逸凡夫人沒諸煩惱聚盲冥無所見失諸佛法寶常隨生死水无怖空怖畏我於是衆生當勤度脫之精進求智慧為作饒益者思惟何方便可以得救護唯有諸如來深妙無尋智此智何為因唯從智慧生思惟是智慧但從多聞生如是籌量已勤求多聞法日夜常精進聽受無厭倦讀誦愛樂法唯法以為貴為欲求法故以諸珍寶等所親愛妻子隨意諸眷屬國土及城邑資生諸好物歡喜而施與心無所戀惜頭目耳鼻舌牙齒及手足支節身血肉心肝及髓腦以此等施人猶不以為難若得聞正法是為最甚難假令有一人語此菩薩言汝今若能入是大猛火聚然後當與汝諸佛所說法聞已即歡喜自投於火聚設使大千界火聚滿其中

十住經卷第二

第一

佛

須彌梵世下不足以為難若為求一句諸佛所說法救諸苦惱者得之甚為難始從初發心乃至成佛道我於其中間盡此諸劫數為欲求諸法倍受阿鼻苦何況於人間小小諸苦惱以聽法因緣能得正憶念正憶念因緣能生諸禪定深妙等三昧及五神通事次第皆能起自在不隨生菩薩住是地能以決定心多供養諸佛聽受所說法斷邪受惠等餘煩惱微薄猶如成鍊金調和得其所菩薩住是地功德藏充滿多作忉利王自在化樂欲受佛功德故化導无量眾悲能令得住元上佛道中菩薩住是地能以柔軟心勤行於精進得百千三昧悉得見諸佛相好莊嚴身其心轉猛利願力者殊勝常為諸眾生勤求好事者分別解說此第三明地已

焰地第四

諸佛子聞說如是地相義深妙元有量心皆大歡喜散眾名花香供養於如來地及大海水悉皆大震動天諸姊妹等於上虛空中同以微妙音歌頌此上法他化自在王聞以大歡喜雨摩尼珠寶

十住經卷第二

第二

佛

以散於佛上踊躍稱讚言善哉佛出世功德藏流布利益於我等我今聞說此菩薩地相義是事百千劫難聞而得聞願更說後地利益諸天人令皆喜欲聞得地諸行相解脫月菩薩重請金剛藏願為諸菩薩說三四地行

今時金剛藏菩薩摩訶薩語解脫月菩薩言佛子諸菩薩摩訶薩具足清淨行第三地已欲得第四地者當以十法明門得入此四地何等為十一思量眾生性二思量法性三思量世界性四思量虛空性五思量識性六思量欲界性七思量色界性八思量無色界性九思量快信解性十思量大心性諸佛子菩薩以此十法明門能從三地入第四地諸佛子菩薩摩訶薩若得第四菩薩焰地即於如來家轉有勢力得內法故有十種智何等為十一不退轉心二於三寶中得不壞信清淨畢竟智三修習觀生滅四修習諸法本來不生五常修習轉還世間行六修習知業因緣故有生七修習分別生死涅槃門差別八修

十住經卷第二

第三

佛

習眾生業差別九修習前際後際差別十修習現在常滅不住行是十智心則生佛家轉得勢力復次佛子菩薩摩訶薩住是菩薩第四地觀內身俯身觀精勤一心除世間貪憂觀內外身俯身觀精勤一心除世間貪憂觀內受外受內外受內心外心內一心除世間貪憂是菩薩未生惡不善法為不生故欲生勤精進發心正斷已生諸惡不善法為斷故欲生勤精進發心正斷未生諸善法為生故欲生勤精進發心正行已生諸善法為住不失修增廣故欲生勤精進發心正行是菩薩修行四如意分欲定斷行成就修如意分依止默依止離依止滅迴向於捨精進定斷行成就修如意分心定斷行成就修如意分思惟定斷行成就修如意分依止默離滅迴向於捨是菩薩修行信根依止默離滅迴向於捨精進根念根定根修行慧根依止默離滅迴向於捨

是菩薩修行信力依止歇離滅迴向於捨精進力念力定力修行慧力依止歇離滅迴向於捨是菩薩修行念覺分依止歇離滅迴向於捨擇法覺分精進覺分喜覺分除覺分定覺分修行捨覺分依止歇離滅迴向於捨是菩薩修行正見依止歇離滅迴向於捨正思惟正語正業正命正精進正念修行正定依止歇離滅迴向於捨是菩薩以不捨衆生心故行以本願力故大悲為首大慈合行為攝一切智為莊嚴佛國為具佛諸力元畏不共法三十二相八十種好具足音聲為隨順佛深解脫為思惟大智慧方便故行諸佛子諸菩薩摩訶薩住菩薩焰地所有身見者等著我著衆生著人壽者知者見者著五陰十二入十八界所起屈申卷舒出沒推求心所行愛著寶重所見為歸為洲皆悉斷滅是菩薩轉倍精進慧方便所生助道法隨所修行心轉柔和堪任有用心无疲倦轉求上法增益智慧救一切世間隨順諸師恭敬受教如

所說行是菩薩今時知思知報思心轉和善同止安樂直心軟心元有邪曲行正定行无有憍慢則易與語隨順教誨得說者意如是具足善心軟心寂滅心忍辱心淨地諸法思惟修行是菩薩今時成不轉精進者不捨精進不壞精進不歇精進不倦精進廣大精進無邊精進猛利精進无等等精進救一切衆生精進分別是道非道精進是菩薩心志清淨不失深心信解明利諸善根增長遠離世間垢濁不信疑悔等皆已滅盡元疑元悔現前具足於一切佛大信解事中不歇不捨自然習樂元量之心常現在前菩薩住是第四焰地能見諸佛數百數千數千萬億那由他佛供養恭敬尊重讚歎衣服飲食具醫藥親近諸佛一心聽法聽受法已能信奉持多於佛所出家修道是菩薩樂心深心清淨信解平等轉更明了住壽多劫若干百千萬億那由他劫善根轉勝明利諸佛子如上真金以為莊嚴餘金不及如是諸菩薩摩訶薩住

此菩薩焰地諸善根轉增明利下地菩薩所不能及譬如摩尼珠光明清淨能照四方餘寶不及雨漬水澆光明不滅菩薩住焰地中下地菩薩所不能及一切諸魔及諸煩惱皆不能壞其智慧諸佛子是名略說諸菩薩摩訶薩第四焰地菩薩摩訶薩住是地中多作須夜磨天王多教化衆生破於我心所作善業若布施若愛語若利益若同事皆不離念佛不離念法不離念諸菩薩摩訶薩為伴乃至不離念具足一切種智常生是心我當何時於一切衆生中為首為尊乃至於一切衆生中為依止者是菩薩摩訶薩若欲如是勤行精進須臾之間得百億三昧乃至示現百億菩薩以為眷屬若以願力自在示現過於此數若干百千萬億那由他不可計劫今時金剛藏菩薩欲重明此義而說偈言
諸菩薩具足修治明地已觀諸衆生性法性世間性虛空性識性三界性信解深心清淨故得入第四地即於如來家

十住經卷第二 第十六經 戒

增長得勢力不退於佛道三寶不壞信
觀生滅無作知世間轉行從業而有生
生死涅槃異知衆生諸業觀法先後際
不佳常滅相佛家生勢力諸大菩薩等
得如是法已憐愍諸衆生習身受心法
內外四念處依止於厭離亦依止寂滅
迴向於涅槃除滅惡法故善法得增長
習行四正法修四如意分行於五根
及以修五力修習七覺意行於八聖道
修習如是法皆為衆生故本願之所助
慈悲心為首求覓一切智為淨諸佛土
成十力功德无畏不共法諸音聲言說
甚深妙道法及无碍解脫大智慧方便
從身見為首六十二見等衆生見人見
命者知者見於諸陰界入之所貪著處
得是第四地皆悉已除斷隨斷煩惱業
其心亦隨淨諸所作善業皆為救世間
菩薩柔軟心常不為放逸堪用心直心
求利衆生心如此所求事皆為无上道
大智慧職位利益世間故深心敬養師
如說樂修行知恩報恩者易化元順恨
元有邪曲心柔和同止樂修習如是法
精進不退轉菩薩住是地深心及直心

十住經卷第二 第十七經 戒

淨心與信解皆轉得明淨增長諸善根
垢濁疑悔法如是等諸事皆悉得除滅
諸菩薩住是第四焰地中得值无量佛
諮受所說法於是諸佛所出家難沮壞
如真金在嚴餘金所不及菩薩住是地
諸功德深心智慧及方便所行清淨道
乃至千億魔皆所不能壞如真妙明珠
不為水雨敗菩薩住是地天人所供養
多作夜摩王能轉諸邪見所作諸善業
皆為佛智慧其心常堅固不可得動轉
若勤行精進得百億三昧能見百億佛
願力則過是如是第四地清淨名為焰
无量福慧者今已解說竟

難勝地第五

諸菩薩間是第四地行法心皆大歡喜
踊躍无有量雨天衆寶花雲分如雨雪下
咸讚言善哉金剛藏大士他化自在王
興諸眷屬等於上虛空中心皆大歡喜
放衆妙光明作天諸伎樂歌歎佛功德
并及菩薩衆天諸姝女等各以清妙音
同聲稱讚佛而說如是言世尊久遠來
勤苦所求願无上正真道於今始乃得
利益天人者久乃今得見釋迦牟尼佛

十住經卷第二 第十八經 戒

今至於天宮從久遠已來今始異相動
久遠世已來今始放妙光衆生從久來
今始得安樂久來方得聞大慈悲德音
度諸功德岸久遠今乃值聖王能悉破
憍慢我心等无比可供養而今得供養
能開諸天道使得一切智世尊甚清淨
无量如虛空不滯於世法如蓮花在水
慶世寂高大猶如大海中須弥金山王
是故歡喜札如是諸天女各以衆妙音
敬心歌頌已默然而觀佛解脫月菩薩
請金剛藏言菩薩得五地相貌之因緣
金剛藏菩薩摩訶薩語解脫月菩薩
言佛子諸菩薩摩訶薩已具足第四
地欲得第五地以十平等心能入第
五地何等為十一過去佛法平等二
未來佛法平等三現在佛法平等四
戒淨平等五心淨平等六除見疑悔
淨平等七知道非道淨平等八行知
見淨平等九諸菩提分法轉勝淨平
等十等化衆生淨平等諸佛子諸菩
薩摩訶薩以是十平等淨心具足得
入於五地善修菩提法故深心清淨
故求轉勝道故則能得佛道是菩薩

得大願力以慈悲心不捨於一切以得念慧心道理之勢力修習於福慧不捨起方便欲得轉勝道上地明觀法受諸佛神力所護生定不退心如實知是苦聖諦是苦集諦是苦滅諦是至滅苦道諦是菩薩善知世諦善知第一義諦善知相諦善知差別諦善知示成諦善知事諦善知生起諦善知盡無生諦善知令入道諦次第成菩薩諸地故善知習如來智諦今時菩薩常在一乘故善知第一義諦隨衆生意令歡喜故知世諦分別諸法自相故知相諦諸法各異故知差別諦分別諸陰界入故知示成諦以身心苦惱故知苦諦諸道生相續故知集諦畢竟滅一切惱熱故知滅諦起不二法故知道諦以一切種智知一切法次第成一切菩薩地故善知習如來智諦以信解力故知非得元盡諦智菩薩如是以此諸諦智如實知一切有為法虛偽詐敗壞相假住須臾詭惑凡夫人菩薩亦時於衆生中大悲轉勝而現在前能生大慈

光明得如是智慧力不捨一切衆生常求佛智慧如實觀一切有為法先際後際知衆生從先際無明有受故生流轉生死於五陰歸處不能動發增大苦惱聚是中元我元我所元衆生無人元知者元壽命者後際亦如是如是元所有而愚癡貪著不斷不知無邊有出元出今時作是念凡夫衆生甚為可恠無明癡故有元量元邊阿僧祇身已滅今滅當滅如是常受生死不能於身生厭離想轉更增長機關苦身常為生死水漂不能得返歸五陰舍不能捨離不畏四大毒麤不能拔出慍惕見箭不能滅除貪恚癡焰不能破壞元明愚闇不能乾竭受著大海不求十力大聖導師常隨魔意於生死城中多為諸惡覺觀所轉如是苦惱孤窮衆生元有救者元有舍者元有究竟道者唯我一人獨無等侶修集福德智慧以是資糧令此一切衆生得住畢竟清淨乃至使得一切法中佛元尋智力如是思惟從正觀生於智力發願所作一切善

根皆為度諸衆生故為一切衆生求好事故求安樂故為利益一切衆生故為解脫一切衆生故為一切衆生無苦惱故為一切衆生元盡惡故為一切衆生心清淨故為調伏一切衆生故為滅一切衆生諸憂惱苦滿其願故是菩薩今時住此第五難勝地中不忘諸法故名為念者決定智慧故名為智者知經書意次第故名為有道者自護護彼故名為有慚愧者不捨持戒故名為堅心者善思惟是處非處故名為覺者不隨他故名為隨智者善分別諸法章句義故名為隨慧者善修禪定故名為得神通者隨世間法行故名為方便者善集福德資糧故名為元厭足者常求智慧因緣故名為不捨者集大慈大悲因緣故名為無疲倦者常正憶念故名為遠離破戒者深心求佛十力四無所畏十八不共法故名為常念佛法者常令衆生離惡修善故名為莊嚴佛國者種諸福德莊嚴三十二相八十種好故名為行種種善業者求莊

十住經卷第二 第三十 戒

嚴佛身口意故名為常行精進者供養一切說法菩薩故名為樂大恭敬者一切菩薩諸世間方便中心无瞋導故名為心无尋者常樂教化眾生故名為晝夜遠離餘心者菩薩如是行時布施亦教化眾生愛語利益同事亦教化眾生又以色身示現亦教化眾生亦以說法教化眾生亦示菩薩行事教化眾生亦示諸佛大事教化眾生亦示生死過惡教化眾生亦示諸佛智慧利益教化眾生菩薩如是修習以大神力種種因緣方便道教化眾生是菩薩雖種種因緣方便心常在佛智而不退失善根又復常求轉勝利益眾生法是人利益眾生故世間所有經書伎藝文章等數名性經書治病醫方所謂治乾消病小兒病鬼著病蠱毒病癩病等伎樂歌舞戲笑歡娛經書國土城郭聚落室宅園觀池泉華果藥草林樹金銀摩尼珠琉璃珊瑚虎魄車渠馬瑙示諸寶聚日月五星二十八宿占相吉凶地動夢書恠相身中諸相布施持戒

十住經卷第二 第三十一 戒

攝伏其心禪定神通四攝行四無量心四元色定凡諸不惱眾生事安樂眾生事憐愍眾生故出令入諸佛元上之法菩薩住是難勝地值數百數千數万億佛供養尊重讚歎衣服飲食卧具醫藥親近聽法聽法已出家出家已於諸佛所聽受經法而為法師說法利益得轉勝多聞積三昧乃至過百千万億劫不忘此事是菩薩亦時一切福德善根轉勝明淨佛子譬如成鍊真金以車渠磨瑩其光轉勝菩薩住是地中方便智慧力故功德善根轉淨明勝下地所不及又如日月星宿諸天宮殿風持令去不失法度如是佛子菩薩住難勝地以方便思惟故福德善根轉倍明淨而不取證亦不疾至佛道諸佛子是名諸菩薩摩訶薩難勝地今已略說菩薩摩訶薩住是地中多作梵率陀天王諸根猛利能摧伏一切外道有所作業若布施愛語利益同事皆不離念佛念法念菩薩伴乃至不離念具足一切種智我當何時於眾生中為首為尊乃

十住經卷第二 第三十二 戒

至於一切眾生中為依止者諸佛子是菩薩若欲如是勤行精進須臾之間能得千億三昧乃至示千億菩薩以為眷屬若以願力神力自在復過是數若干百千万億不可得知今時金剛藏菩薩欲明此義故重說偈言諸菩薩具足四地行法已思惟三世佛戒等心亦等除見疑悔等道非道行等觀諸平等已得入第五地四念處為弓諸根為利箭四正勤為馬四如意為車五力以為鎧破諸煩惱賊勇健不退轉直入第五地慚愧無垢衣淨戒以為香七覺為華鬘禪定為塗香智慧與方便種種念莊嚴如是得入諸陀羅尼園林四如意為足正念為頭項慈悲明淨眼利智慧為牙以空无我咒破諸煩惱賊如是人師子能入第五地是菩薩得至住於第五地轉修勝淨法皆為佛道故常行慈悲心未曾有厭倦但為修習此第五地行法深集二資糧福德及智慧種種方便力欲得上明觀常為佛所護得成於念慧次第能善觀如實知諸諦第一諦世諦差別諦成諦事生滅道諦

至无障尋諦如是觀諸諦心微妙清淨
 雖為未能得無障尋解脫以能有智慧
 及與信力故得勝於一切世間諸智慧
 如是觀諸諦悉知有為法虛妄偽詐誰
 无有一堅實能得於諸佛慈悲光明分
 為諸眾生故專心求佛慧知有為先後
 眾生甚可惡墮在無明闇愛因緣所繫
 是菩薩能拔世間之苦惱知法无壽者
 猶如草木等眾生常以二煩惱因緣故
 從於先世來後世亦如是相續不斷絕
 不能盡苦邊於此生慙傷我當度脫之
 不出五陰舍不畏四大害不找諸邪箭
 不滅三毒焰不破无明闇墮在大愛海
 無有智慧明雖大導師故知如是事已
 轉加勤精進有所作起業皆為度眾生
 常念正念慧修道有慚愧堅心與智慧
 轉更令增益修福慧无厭持戒不羸弱
 求多聞无倦正修淨佛土種相好音聲
 因緣无厭足所作諸善業皆為利眾生
 為利世間故造立經書等名姓見病方
 歌儻戲笑等堂園園林法衣服諸飲食
 示種種寶聚令眾得歡喜占日月五星
 二十八宿等地動吉凶相夢書諸恠事

布施持戒等離欲修禪定四無量神通
 安樂世間故大智慧菩薩得此難勝地
 供養數億佛從佛而聽法而修諸善根
 皆悉得明淨猶如車果實瑩磨於真金
 辟如寶宮殿隨風不失法世法利不涖
 如蓮華在水菩薩住是地多作梵率王
 諸根轉猛利破諸外道見所作諸善業
 皆為佛智慧得佛力无畏能度諸眾生
 是菩薩勤修轉勝精進力能得千萬億
 諸深妙三昧供養千億佛能動千世界
 隨其所願力過是數無量如是第五地
 種種諸方便上智慧大人如法解說竟
 十住經卷第二

壬寅歲高麗國大藏都監奉
 勅彫造

十住經卷第三

戒

後秦三藏鳩摩羅什譯

現前地第六

諸菩薩聞說上地之行相在於虛空中
 雨眾妙珍寶放清淨光明供養於世尊
 咸讚言善哉善哉金剛藏時有無量億
 諸天皆歡喜於上虛空中雨眾寶末香
 光明相綺錯微妙甚可樂眾香華瓔珞
 幡蓋雨佛上他化自在王與諸眷屬等
 雨眾妙寶物雲霧如雲下歌頌供養佛
 稱歎金剛藏咸讚言善哉善哉快說此
 千萬億天女於上虛空中作眾天音樂
 歌歎佛功德咸作如是言如來之所說
 微妙元有量能滅諸煩惱諸法本性空
 無有毫末相空无有分別同若如虛空
 無有去住相亦无有戲論本來常清淨
 如如無分別若人能通達一切諸法性
 於有於无中其心不動搖但以大悲心
 為度諸眾生是名諸佛子從佛口法生
 常行於布施利益諸眾生本來雖善淨
 持戒而堅心雖知法无傷而行於忍辱
 雖知法性離而行於精進雖先滅煩惱

十住經卷第三 第三張 戒

後

十住經卷第三 第四張 戒

而入於諸禪雖先解法空而選擇諸法寂滅智雖多而求利世間能滅諸愚者名之為大人如是諸天女百千種妙音攝讚歌頌已皆默然觀佛解脫月菩薩請金剛藏言當以何相貌得成第六地金剛藏菩薩言諸佛子菩薩摩訶薩已能具足五地行欲入六地當以十平等法得入於六地何等為十一以無性故一切法平等二以无想故一切法平等三以無生故一切法平等四以无滅故一切法平等五以本來清淨故一切法平等六以無戲論故一切法平等七以不取不捨故一切法平等八以離故一切法平等九以幻夢影響水中月鏡像焰化故一切法平等十以有無不二故一切法平等諸佛子諸菩薩摩訶薩具足五地行以是十平等法能入第六地諸佛子若菩薩摩訶薩能如是觀一切法性能忍隨順得第六地无生法忍雖未現前心已明利成就順忍是菩薩觀一切法如是相大悲為首增長具足更以勝觀觀世間生滅相故作是念

世間所有受身生處皆以貪著我故若離著我則無世間生處諸凡夫人愚癡所盲貪著於我常樂求有恒隨邪念行邪妄道習起三行罪行福行不動行以是行故起熱心種子有漏有取心故起生死身所謂業為地識為種子无明覆蔽愛水為潤我心澆濯種種諸見令得增長生名色牙因名色故生諸根諸根合故有觸生從觸生受樂受故生渴愛渴愛增長故有四取四取因緣故起業於有起五陰身名為生五陰衰變名為老衰變滅名為死老死因緣有憂悲熱惱眾苦聚集是十二因緣无有集者自然而集無有散者自然而散因緣合則有因緣散則无菩薩摩訶薩如是於六地中隨順觀十二因緣又作是念不如實知諸諦第一義故有無明覆心无明業果是名諸行依諸行有初識與識共生有四取陰依止取陰有名色名色成就有六入諸根行塵故有識從是和合生有漏觸觸共生有受貪樂於受名為受受增長名為取

從取起有漏業有業有果報五陰名為生五陰熟名為老熟五陰壞名為死死別離時愚人貪著心熱名為憂悲發聲啼哭五識名為苦意識名為憂憂苦轉多名為惱如是但生大苦樹大苦聚如是十二因緣苦聚無我无我所無作者无使作者菩薩作是念若有作者則有作事若無作者則无作事第一義中無作者无作事又作是念三界虛妄但是心作如來說所有十二因緣分是皆依心所以者何隨事生貪欲心是心即是識事是行行誑心故名无明識所依處名名色以入生貪心名六入三事和合有觸觸共生名受貪著所受名為渴愛渴愛不捨名為取是和合故名為有此有更有有相續名為生生變熟名為老老壞名為死此中無明有二種作一者緣中癡二者為生諸行因行亦有二種作一者生未來世果報二者與識作因識亦有二種作一者能令有相續二者與名色作因名色亦有二種作一者互相助成二者與六入作

因六入亦有二種作一者能緣六塵
二者能與觸作因觸亦有二種作一
者能觸所緣二者能與受作因受亦
有二種作一者覺憎愛事二者與愛
作因愛亦有二種作一者所可添中
生貪心二者與取作因取亦有二種
作一者能增長煩惱二者與有作因
有亦有二種作一者能於餘道中生
二者與生作因生亦有二種作一者
能起五陰二者與老作因老亦有二
種作一者令諸根熟二者與死作因
死亦有二種作一者壞五陰身二者
以不見知故而令相續不絕是中元
明緣諸行者無明令行不斷助成行
故行緣識者令識不斷助成識故識
緣名色者令名色不斷助成名色故乃
至生緣老死憂悲苦惱生不斷相續
助成故元明滅故則諸行滅乃至老
死憂悲苦惱亦如是是中無明若元
諸行亦無因滅則果滅餘分亦如是
是中元明愛取是三分不斷煩惱道
諸行及有不盡業道餘因緣分不斷
苦道先際後際相續不斷故是三道

不斷是三道離我所而有生滅如
二竹相對而住不堅似堅無明因緣
諸行者即是過去世事識名色六入
觸受是現在事受取有生老死是未
來世事於是有三世出元明滅故諸
行滅名為斷相續說十二因緣說名
三苦無明行識名色六入名為行苦
觸受名為苦苦受取有生老死憂悲苦
惱名為壞苦元明滅故諸行滅乃至
老死名為斷三苦相續說因無明諸
行生餘亦如是元明滅諸行滅以諸
行體性空故餘亦如是無明因緣諸
行以生縛說餘亦如是元明滅故諸
行滅以滅縛說餘亦如是無明因緣
諸行是隨順元所有觀說元明滅諸
行滅是隨順盡觀說餘亦如是如是
逆順十種觀十二因緣法所謂因緣
分次第身心所攝自助成法不相捨
離隨三道行分別先後際故三苦差
別故從因緣起生滅縛故無所有盡
觀故今時菩薩隨十二因緣觀元我無
衆生无壽命者無人性空離作者使
作者无主屬衆因緣無所有如是觀

時空解脫門現在前滅此事餘不相
續故名無相解脫門現在前知此二
種更不樂生唯除大悲心教化衆生
无願解脫門現在前菩薩修行是三
解脫門離彼我相離作者受者相離
有無相悲心轉增以重悲心故勤行
精進未滿助菩提法欲令滿足菩薩
作是念有為和合故增離散則滅衆
緣具故增不具故滅我今知有為法
多過故不應具和合因緣亦不畢竟
滅有為法為教化衆生故諸佛子菩
薩如是知有為法多過無性離堅固
相元生無滅與大慈悲和合不捨衆
生即時得无障身般若波羅密光明
現在前得如是智慧具足修集取阿
耨多羅三藐三菩提因緣而不與有
為法共住觀有為法性寂滅相亦不
住其中欲具足无上菩提分故菩薩
住現前地中得快空三昧性空三昧
第一義空三昧第一空三昧大空三
昧合空三昧生空三昧如實不分別
空三昧攝空三昧離不離空三昧如
是等万空三昧門現在前无相無願

十住經卷第三 第九法 式

三昧亦如是是菩薩住現前地中志
心決定心妙心深心不轉心不捨心
廣心無邊心樂智心慧方便和合心
如是等心轉勝增長故隨順阿耨多
羅三藐三菩提一切外道論師不能
傾動入於智地轉勝聞辟支佛決定
向佛智一切衆魔及諸煩惱所不能
制安住菩薩智慧明中善修應空元
相無願解脫門專以慧方便行助菩
提法是菩薩住現前地於般若波羅
密中得轉勝行得第三上順忍以順
是法無有違逆故菩薩住是現前地
中得見數百數千佛乃至數百千萬
億佛供養恭敬尊重讚歎衣服飲食
卧具醫藥親近諸佛於諸佛所聽法
聽法已如實隨智慧光明故如所說
行令諸佛歡喜是人轉勝知諸佛法
藏乃至無量百千萬億劫諸善根轉
妙明淨諸佛子譬如真金以琉璃磨
瑩光色轉勝菩薩住此現前地以慧
方便故善根轉勝明淨寂滅餘地所
不及諸佛子譬如月明能令衆生身
得清淨四種風吹不能過絕菩薩摩

十住經卷第二 第九法 式

訶薩住是現前地善根轉勝能滅無
量衆生煩惱之火四種惡魔所不能
壞諸佛子是名諸菩薩摩訶薩現前
地菩薩住是地中多作善化自在天
王智慧猛利能破一切增上慢者聲
聞問難不能窮盡有所施作布施受
語利益同事皆不離念佛念法念諸
菩薩伴乃至不離念一切種智常發
願言我於一切衆生為首為尊乃至
於一切衆生為依止者是菩薩若欲
勤行精進於須臾間得十萬億三昧
乃至能示十萬億菩薩眷屬若以願
力能過是數不可稱計若千百千萬
億劫亦時金剛藏菩薩欲令此義明
了故而說偈言

諸菩薩已得具足行五地知諸法無相
元相無生滅本來常清淨无有諸戲論
修集如是智得入第六地諸法常離相
不取亦不捨性空猶如幻離二元分別
若能順如是微妙之理趣心無有違逆
得入第六地住於利順忍智慧得力故
觀察於一切世間生滅相悉知諸世間
皆從癡闇出癡闇若滅者則無諸世間

十住經卷第三 第十法 式

觀擇因緣法隨順第一義而不壞緣報
所作及假名如實無作者亦无有受者
如是觀有為如雲無實事不知真諦義
名之為無明從是則生思身口行得報
從行故有識即生於名色如是生世間
至生死苦聚了知於三界但從心而有
知十二因緣在於一心中如是則生死
但從心而出心若得滅者生死則亦滅
无明二種作作癡作於業乃至於老死
破散壞五陰從於此事邊具出於苦惱
是事若盡者苦惱則亦盡無明若具足
相續則不斷因緣若不具則斷於相續
无明及愛取即是煩惱道行有是業道
餘則是苦道癡至於六入是名為行苦
觸受是苦苦餘分是壞苦滅三苦相續
則更無有我无明及諸行則是過去世
識與及於受是則為現在從受而生苦
則是未來世無明若滅者是則无有苦
癡從衆緣生則生於諸縛衆緣若滅者
則滅於諸縛從因而生果因滅則果滅
如是觀諸法自性則皆空隨順於無明
則有世間出若逆於无明是則斷於有
從是則有是有無則无是如是十種觀

甚深因緣法觀因緣相續去來及現在不離一心中分別有三道從三種苦觀及以生滅法無所有而盡能行逆順觀菩薩如是入十二因緣法知空猶如幻如夢亦如影如焰亦如化虛誑无作者亦無有受者但誑於愚人如是觀因緣智者所修空无緣則無相知此二虛假其諸一切有於中无所願但以大悲心愍度眾生如是諸大士修習解脫門悲心愛樂佛無量諸功德知諸有為法皆從和合有即得万空定无相願亦尔智慧轉增進入於上順忍得於諸菩薩無為智解脫如是諸善根轉勝明淨利供養无量佛諸佛而稱讚常於諸佛所出家學佛道到諸佛法藏善根轉增長猶以琉璃寶瑩磨於真金光明轉清淨其喻亦如是如於虛空中滿月光清淨四種風所吹不能令過絕菩薩智慧光滅諸煩惱熱四魔不能制其喻亦如是菩薩住是地多作善化王諸根悉猛利能破增上慢所作諸善業皆隨順智慧聲聞諸問難不能得窮盡是佛子若欲如是勤精進能得於百千億數諸三昧

得見於百千億數十方佛如春清了時日光明則淨如是第六地深妙難知見聲聞所不了大士略說竟速行地第七

今時諸天衆在於虛空中雨香花璫寶如雲散佛上踊躍發妙音咸讚言善哉善哉金剛藏善知第一義無量功德聚人中之蓮花說此上妙行利益諸世間他化自在王雨光明華香雲雲而供養除憂煩惱者諸天及天王發妙音聲言若聞此地義則為得大利時作百千種上妙諸伎樂諸天女善歌承佛神力故佛是最寂滅能令惡為善一切諸世間皆所共恭敬雖出過世間而示世間法知身同實相而示種種身雖以諸言音演說寂滅法而知於語言无有音聲相能過百千土上妙供諸佛知身佛國土捨相智自在雖教化眾生而無彼我想廣集大功德不於中起著以見取相故三毒火然世不取一切相慈悲起精進諸天及天女歡喜設供養如是讚歎已默然而觀佛尔時解脫月請金剛藏言大眾皆清淨願說七地相

金剛藏菩薩言諸佛子菩薩摩訶薩已具足第六地行若欲入第七菩薩地者從方便慧起十妙行何等為十是菩薩善修空無相无願而以慈悲心處在衆生隨諸佛平等法而不捨供養諸佛常樂思惟空智門而廣修集福德資糧遠離三界而能莊嚴三界畢竟寂滅諸煩惱焰而能為衆生起滅貪患癡煩惱焰法隨順諸法如幻如夢如影如響如化如水中月鏡中像不二相而起分別種種煩惱及不失業果報知一切佛國土空如虛空諸國土皆是離相而起淨佛國土行知一切佛法身无身而起色身三十二相八十種好以自在嚴知諸佛音聲不可說相信解如來音聲本來寂滅相而隨一切衆生起種種莊嚴音聲知諸佛於一念頃通達三世事而知種種相種種時種種劫得阿耨多羅三藐三菩提隨衆生心信解故作如是說諸佛子是名從慧方便生十妙行菩薩摩訶薩具足六地行已修此妙行得入七地諸佛子如是方

十住經卷第三 第十四張 戒

便慧現前故名為入七地是菩薩住七地中入无量眾生性入無量諸佛教化眾生法入无量世間性入諸佛無量清淨國土入无量諸法差別入無量諸佛智得元上道入無量諸劫等數入无量諸佛通達三世入無量眾生信樂差別入无量諸佛色身別異入無量諸佛眾生志行根差別入无量諸佛音聲語言令眾生歡喜入諸佛無量眾生心心所行差別入无量諸佛隨智慧行入示無量聲聞乘信解入諸佛无量說道因緣令眾生信解入無量辟支佛智慧習成入諸佛无量甚深智慧所說入諸菩薩無量所行道入諸佛无量所說大乘集成事令眾生得入諸菩薩作是念如是諸佛世尊有無量无边大勢力不可以若干百千万億劫等數所知如是諸佛勢力我皆應集不以強分別此彼得成以不分別不取相故成此菩薩如是智慧善思惟常修習大方便慧令其安住佛道智中以不動法故若欲常起種種度眾生道元有

十住經卷第三 第十五張 戒

障尋來時亦起去時亦起坐卧住立皆能起道度脫眾生離諸陰蓋住諸威儀常不離如是想念是菩薩於念中具足菩薩十波羅蜜及菩薩十地何以故是菩薩摩訶薩於念中以大悲心為首修習一切佛法皆迴向如來智慧故十波羅蜜者以菩薩求佛道所修善根與一切眾生故是檀波羅蜜能滅一切煩惱熱是尸羅波羅蜜慈悲為首於一切眾生中元所傷是辱提波羅蜜求轉勝善根無厭足是毗梨耶波羅蜜修道心不馳散常向一切智是禪波羅蜜忍諸法先來不生門是般若波羅蜜能起无量智門是方便波羅蜜期轉勝智慧是願波羅蜜一切外道諸魔不能沮壞是力波羅蜜於一切法相如實成故是智波羅蜜如是念念中具足十波羅蜜是菩薩具足十波羅蜜時念念中亦具足四攝法三十七菩提分法三解脱門舉要言之一切助阿耨多羅三藐三菩提法於念念中皆悉具足尔時解脫月菩薩問金剛藏菩

十住經卷第三 第十六張 戒

薩言佛子菩薩摩訶薩但於七地中具足助菩提法一切諸地中亦具足金剛藏菩薩言佛子菩薩摩訶薩於十地中悉具足助菩提法但第七地勝故得名何以故諸菩薩摩訶薩於七地中切行具足入智慧神通道故佛子菩薩於初地中發願緣一切佛法故具足助菩提法第二地中除心惡垢故具足助菩提法第三地中願轉增長得法明故具足助菩提法第四地中得入道故具足助菩提法第五地中隨順行世間法故具足助菩提法第六地中入甚深法門故具足助菩提法此第七地中起一切佛法故具足助菩提法何以故諸佛子菩薩摩訶薩於此地中得諸智慧所得道以是力故第八地自然得成佛子辟如二三千大千世界一定清淨一定垢穢是二中間難可得過但以太精進力大神通力大願力故乃能過諸佛子諸菩薩如是行於雜道難可得過但以大願力大智慧力大方便力故乃可得過解脫月菩薩言第七菩薩地為是淨行為是垢

行金剛藏菩薩言從初歡喜地來菩薩所行皆離煩惱罪業何以故迴向阿耨多羅三藐三菩提故隨地所行清淨不名為過佛子譬如轉輪聖王乘大寶為遊四天下知有貧窮苦惱者而過不在王然王未免人身若捨王身生於梵世住梵天宮遊行千世界示梵王威力余時乃離人身諸佛子菩薩亦如是從初地來在諸波羅蜜乘知一切眾生心所行事及煩惱垢而不為煩惱垢之所汙以乘善道故而不名為過若菩薩捨一切所修功行道從七地入八地余時名為乘菩薩清淨乘悉知一切世間諸煩惱垢而不為諸煩惱所汙亦名為過諸佛子菩薩住是七地多過貪欲等諸煩惱眾在此七地不名為煩惱者不名無煩惱者何以故一切煩惱不發起故不名有煩惱者貪求如來智慧未滿願故不名無煩惱者菩薩住是七地成就深淨身業深淨口業深淨意業是菩薩所有不善業道諸佛所呵隨煩惱垢者如是諸業悉已得

過所有善業道諸佛所讚是則常行又世間經書伎藝如五地中說自然而得於三千大千世界中取為希有得為大師唯除如來入八地菩薩無有眾生深心妙行能與等者是菩薩所有禪定神通解脫三昧雖未得果報所生而隨意自在菩薩住是遠行地於念念中具足修集方便慧力及一切助菩提法轉勝具足住是遠行地中能入善擇菩薩三昧善思義三昧益意三昧分別義藏三昧如實擇法三昧堅想安住三昧知神通門三昧法性三昧如來利三昧種種義藏三昧不向生死涅槃三昧如是具足百萬菩薩三昧能淨治此地是菩薩得是三昧智慧方便善清淨故深得大悲力故名為過聲聞辟支佛地趣佛智地是菩薩住是地无量身業無相行无量口業無相行无量意業無相行是菩薩清淨行故顯照无生法忍解脫月菩薩言佛子若菩薩住初地有元量身業無量口業無量意業已能過一切聲聞辟支佛地金剛藏

菩薩言緣大法故能過非是實行力此第七地自實行力故一切聲聞辟支佛所不能壞佛子譬如生在王家即勝一切群目百官何以故豪尊力故身既長大智慧成立真實得勝諸佛子菩薩摩訶薩初發心時已勝一切聲聞辟支佛以發大願深心清淨故今住此地自以智力故勝諸佛子菩薩住在七地得甚深遠離無行身口意業轉求勝法而不捨離以是轉勝心故雖行實際而不證實際解脫月言佛子菩薩摩訶薩從何地來能入寂滅金剛藏言菩薩摩訶薩從第六地來能入寂滅今住此地於念念中能入寂滅而不證寂滅是名菩薩成就不可思議身口意業行實際而不證實際佛子譬如有人乘船入於大海善為行法善知水相不為水患所害如是菩薩摩訶薩住此七地乘諸波羅蜜船能行實際而不證實際菩薩如是以大願力故得智慧力故從禪定智慧生大方便力故雖深愛涅槃而現身生死雖眷屬圍繞而

十住經卷第三 第二張 戌

心常遠離以願力受生三界而不為
世法所汙心常善寂以方便力故而
還熾然雖然不燒隨行佛智轉聲聞
辟支佛地得至諸佛法藏而現於魔
界雖過四魔道而現行魔行雖現諸
外道行而深心不捨佛法雖現身一
切世間而心常在出世間法所有莊
嚴之事勝諸天龍夜叉乾闥婆阿修
羅迦樓羅緊那羅摩睺羅伽人非人
四天王釋提桓因梵天王而不捨樂
法受法菩薩成就如是智慧住是遠
行地中值百千億萬那由他諸佛供
養恭敬尊重讚歎衣服飲食卧具醫
藥供養諸佛已護持諸佛法諸聲聞
辟支佛智慧問難所不能壞是菩
薩憐愍眾生故法忍轉得清淨是菩
薩无量百千萬億那由他劫善根轉
勝清淨佛子譬如成鍊真金以諸好
寶莊飾間錯轉勝明好餘寶不及諸
佛子菩薩亦如是住菩薩遠行地中
諸善根從方便智慧生轉勝明淨無
能壞者佛子譬如日光一切星宿月
光所不能及閻浮提內所有泥水悉

十住經卷第三 第二張 戌

能乾竭菩薩亦如是住遠行地善根
轉勝一切聲聞辟支佛所不能及又
能乾竭眾生煩惱汙泥諸佛子是名
菩薩摩訶薩第七遠行地菩薩摩訶
薩住是地中多作他化自在天王諸
根猛利能發眾生悟道善緣所作善
業若布施若愛語若利益若同事皆
不離念佛不離念法不離念諸菩薩
摩訶薩伴乃至不離念具足一切種
智常生是心我何時當於一切眾生
中為首為尊乃至於一切眾生為依
止者是菩薩若欲如是勤行精進於
須臾間得百千億那由他三昧乃至
能示現百千億那由他菩薩眷屬菩
薩若以願力自在示現過於此數百
千萬億那由他劫不可計知今時金
剛藏菩薩欲重明此義而說偈言
深智慧定心具行六地已一時生方便
智慧入七地行空無相願而修慈悲心
順佛平等法而供養諸佛雖以智觀空
而修福無厭然後能得入第七遠行地
雖能嚴三界而心樂遠離雖心常寂滅
而滅煩惱者行空不二法如幻如夢等

十住經卷第三 第二張 戌

而行慈悲心得入第七地雖觀一切土
空若如虛空而能善莊嚴清淨諸佛土
雖知諸佛身同法相無相而種三十二
八十諸相好雖知於諸佛不可言說相
而嚴佛音聲令世歡喜故雖知於諸佛
一念中成道而示時劫數引導諸眾生
如是知於法則得法照明菩薩如是者
即入第七地住是地能觀無量眾生行
亦知於諸佛勢力亦无量世間及劫數
法性皆無量又知諸眾生所欲之所樂
知說三乘法皆悉是无量我當應教化
成就眾生以如是思惟方便慧和合
於四威儀中常行如是道於一念中
能具助菩提所謂是十種波羅蜜等法
如是諸菩薩所修之福德皆與諸眾生
名檀波羅蜜滅除心惡垢名尸波羅蜜
不為六塵傷辱提波羅蜜能起轉勝法
精進波羅蜜於是道不動名禪波羅蜜
無生忍是名般若波羅蜜迴向佛道名
方便波羅蜜求於轉勝法名願波羅蜜
无有能壞者名力波羅蜜能解如實說
名智波羅蜜是助菩提法念念皆能攝
發於廣大願緣於大事故初地中功德

名之為具足第二地名為除諸心惡垢
 第三頌增明第四地住道第五隨世行
 第六入深法得無生相分漸漸而增長
 第七集一切具菩提分法能起諸功德
 及以一切願如是諸功德令後八地中
 一切諸所行自然得清淨速行地難過
 大智力所能如二國中難可得過度
 在於七地中不汙如聖王住於此道中
 不名一切過若到於第八菩薩智慧地
 念時過意界住於智業中如梵王觀世
 不得名為人菩薩罪不汙如蓮花在水
 菩薩住是地過種種煩惱不名有煩惱
 不名盡煩惱入是正道中无有諸煩惱
 願求佛道故不名盡煩惱於諸世間中
 經書伎藝事文頌呪術等自然能了知
 修習諸禪定及諸神通等无量心利世
 是事皆能起念時此菩薩過於二乘行
 安住第七地菩薩諸行中以初發心時
 大願力故勝今於此地中智慧力故勝
 猶如國王于小時豪性勝後以功德成
 於諸人中勝住此得深智轉發勝精進
 念念入寂滅而亦不取證猶如人乘船
 入於大海中雖行深水難不為水所害

菩薩行轉勝方便智慧故功德悉備足
 諸世所難知供養無量佛其心清淨故
 如真金雜寶間錯而莊嚴得佛智慧光
 乾諸愛水潤猶如日光明消溷於泥濘
 菩薩住是地他化自在王諸根悉猛利
 通達諸道果若欲勤精進見十萬千億
 那由他諸佛願力過是數七地智慧淨
 一切世二乘皆所共難知今已略說竟
 不動地第八

他化自在王諸天及菩薩聞說此上行
 心皆大歡喜供養佛佛子雨上妙華香
 環珞眾幢蓋末香諸寶衣真妙摩尼珠
 莊嚴身諸物如雲空中下散佛及大眾
 天女於空中作種種伎樂供養於如來
 并及諸菩薩同以微妙音歌頌諸功德
 一切智慧者眾生中取尊憐愍世間故
 佛現神通力華香珍寶等皆出如是音
 所有毛塵沙各示那由他无量數諸佛
 於中而說法於一毛頭中見無量佛國
 須弥鐵圍海世間不迫隘於一毛頭中
 具有三惡道天人阿修羅各各受業報
 見諸佛國中一切佛妙音轉无上法輪
 隨起眾生念諸佛世界中眾身身種種

國有眾生身眾生身有國一切諸天人
 悉皆離共住佛先觀察已然後為說法
 微塵中國土眾生心想細以國土廣故
 眾生心想廣佛現如是等種種神通力
 若為眾生說是事不可盡如是以妙音
 稱歎於世尊心皆大歡喜默然而觀佛
 解脫月菩薩請金剛藏言佛子今可說
 入於八地相

金剛藏菩薩言佛子諸菩薩摩訶薩
 已習七地微妙行慧方便道淨善集
 助道法大願力故心住不滅諸佛神
 力所護善報得力常念隨順如來力
 無畏不共法樂心深心善淨成就福
 德智力大慈悲心故不捨一切眾生
 修行无量智道能入諸法本來無生
 无滅無相不出不失不去不還无所
 有性初中後平等不異如來無分別
 智一切心意識憶想分別无所貪著
 入一切法如虛空性是名菩薩得無
 生法忍入第八地即時得是第八不
 動地名為深行菩薩難可得知无能
 分別離一切相離一切想一切貪著
 無量无边不可思議一切聲聞辟支

十住經第三 第三十六卷

佛所不能壞深大遠離而現在前諸佛子譬如比丘得於神通心得自在次第乃入滅盡定一切動心憶想分別心所行事皆悉盡滅菩薩亦如是住是遠行地即時一切忿怒都滅得無身口意務住大遠離諸佛子如人夢中欲渡深水是人余時發大精進施大方便欲渡此水未渡之間廓然便覺所渡方便及念慮事即皆捨諸佛子菩薩摩訶薩亦如是從初已來發大精進廣修行道至不動地一切慮事皆悉放捨不行二心諸所憶想不復現前譬如生梵世者欲界煩惱不現在前如是諸佛子菩薩住是不動地一切意識不現在前乃至佛心菩提心涅槃心尚不現前何況當生世間心諸佛子是菩薩摩訶薩隨順是地以本願力故又諸佛為現其身住在諸地法流水中如來智慧為作因緣諸佛皆作是言善哉善哉善男子汝得是第一忍順一切諸佛法善男子我有佛十力四無所畏十八不共法汝今未得當為得是諸功德故加勤

十住經第三 第三十七卷

精進亦莫捨此忍門善男子汝雖得此第一甚深寂滅解脫凡夫衆生不善非寂滅常發種種煩惱為種種覺觀所害汝當愍此衆生又善男子汝應念本所願欲大利益衆生欲得不思議智慧門又善男子一切法性一切法相若有佛若元佛常住不異諸如來不以得此法故說名為佛聲聞辟支佛亦能得此寂滅無分別法善男子汝觀我等元量清淨身相無量智慧元量清淨國土起無量智慧元量方便無量國土元量淨音汝今應起如是等事又善男子汝今適得此一法明所謂一切法寂滅無有分別元生法明我等所得無量元邊若干億劫竿數所不能知汝為得此故應起此法善男子汝觀十方無量國土元量衆生無量諸法差別汝應如實通達是事隨順如是智是菩薩諸佛與如是等元量無邊起智慧因緣門以此元量門故是菩薩能起無量智差別業皆悉成就諸佛子我今為汝說若諸佛不令此菩薩住如是智

十住經第三 第三十八卷

慧門者是菩薩爾時畢竟則取涅槃捨利益一切衆生以諸佛與此菩薩如是無量元邊起智慧因緣故於一念中所生智慧比從初地已來乃至竟第七地百分不及一千万億分百千万億那由他乃至無量無邊阿僧祇分不及一乃至竿數譬喻所不能及所以者何先以一身行道修集功德今此地中得無量身修菩薩道以無量音聲以無量智慧元量生靈無量清淨國土元量教化衆生供養給侍無量諸佛故隨順元量佛法故無量神通力故元量大會差別故無量身口意業集一切菩薩所行道以不動法故佛子譬如乘船欲入大海未得大海多用功力或以手力若至大海不復用力但以風力而去若本功力於大海中一日之行於百千歲不能得及諸佛子諸菩薩摩訶薩亦如是多集善根資糧乘大乘船到菩薩所行大智慧海於須臾間不施功力能近一切諸佛智慧本所施功若一劫若百千万劫不能得及諸佛子菩

薩摩訶薩得至第八地從本方便慧
生無功用心在菩薩道思惟諸佛智
慧勢力所謂知世界生世界滅世界
壞世界成知以何業因緣滅故世界
壞知以何業因緣集故世界成是菩
薩知地性小相知地性大相知地性
無量相知地性差別相知水火風性
小相大相無量相差別相知微塵細
相知微塵差別相於一世界中所有
微塵差別皆悉能知此一世界所有
地若干微塵皆悉能知若干水火風
微塵皆悉能知若干寶物斤兩微
塵若干衆生身微塵世界中万物微
塵差別分別衆生身身細身從若二
微塵生地獄身從若干微塵生畜生
身以若干微塵生餓鬼身以若干微
塵生阿修羅身以若干微塵生天身
以若干微塵生身皆悉知是菩薩入
如是分別微塵智中知欲界壞知欲
界成知色界壞知色界成知无色界
壞知無色界成知欲界色界无色界
成壞知欲界小相知欲界大相知欲
界無量相知欲界差別相知色界无

色界小相大相無量相差別相如是
知三界是名菩薩教化衆生助智明
分善知分別衆生身善觀所應生處
隨衆生身處隨衆生身而為受身是
菩薩現身遍滿三千大千世界隨衆
生身各各差別如日於一切水皆現
其像若三千大千世界三四五十
二十三十四五十五百三千大千世
界若干若万若百万若千万若億若
百千万億由他世界身遍其中乃
至無量无边不可思議不可說三千
大千世界身遍滿其中隨衆生身差
別而為受身是菩薩成就如是智慧
於一世界身不動搖乃至不可說諸
佛世界隨衆生身隨所信樂於諸佛
大會而現身像若於沙門會中示
門形色婆羅門衆中示婆羅門形色
刹利衆中示刹利形色居士衆中示
居士形色四天王衆中帝釋衆中魔
衆中梵天衆中示梵天形色乃至阿
迦貳吒天衆中示阿迦貳吒形色以
聲聞乘度者示聲聞形色以辟支佛
乘度者示辟支佛形色以菩薩乘度

者示菩薩形色以佛身度者示佛身
形色諸佛子所有不可說諸佛國中
隨衆生身信樂差別現為受身而實
遠離身相差別常住諸身平等是菩
薩知衆生身知國土身知業報身知
聲聞身知辟支佛身知菩薩身知如
來身知智身知法身知虛空身菩薩
如是知衆生深心所樂若於衆生身
作已身若於衆生身作國土身業報
身聲聞身辟支佛身菩薩身如來身
智身法身虛空身若於國土身作已
身業報身乃至虛空身若於業報身
作已身乃至虛空身若於已身作衆
生身國土身業報身聲聞身辟支佛
身菩薩身如來身智身法身虛空身
是菩薩知衆生集業身報身煩惱身
色身元色身諸佛國土小相大相垢
相淨相無量相廣相倒相平相曲相
方相方差別相知業報身假名差別
聲聞身假名差別辟支佛身假名差
別菩薩身假名差別如來身差別菩
提身願身化身受神力身相好莊嚴
身勢力身意生身福德身智身法身

十住持卷第三 第三三品 成
善分別如實說諸身相知諸法身平

等不壞相知虛空身无量相周遍相
無形相是菩薩善知起如是諸身則
得命自在心自在財物自在業自在
生自在願自在信解自在如意自在
智自在法自在是菩薩得是菩薩十
自在即時為不可思議智者无量智
者廣智者不可壞智者菩薩隨如是
智慧畢竟常淨起無罪身業口業意業
身業隨智行口業隨智行意業隨智
行般若波羅蜜為增上大悲為首善
修方便善起諸願善為諸佛神通所
護常不捨行利益眾生智慧知元邊
世界中差別事諸佛子舉要言之菩
薩住無動地身口意業所作皆能集
一切佛法是菩薩到此地中離一切
煩惱故善住淨心力中心常不離道
故善住深心力中不捨眾生故善住
大悲力中救一切世間故善住大慈
力中不忘所聞法故善住隨羅尼力
中分別選擇一切佛法故善住一切
樂說力中行無邊差別世界故善住
神通力中不捨一切菩薩所行故善

十住持卷第三 第三三品 成
住願力中修集一切佛法故安住波

羅蜜力中善起一切種智故安住如
來力中是菩薩得如是智力示一切
所作无有過各諸佛子諸菩薩摩訶
薩此地不可壞故名為不動地智慧
不轉故名為不轉地一切世間難測
知故名威德地無家過故名王子地
隨意自在故名菩薩生地更不作故
名為成地善擇知故名為究竟地善
發大願故名為變化地不壞諸法故
名為勝處地善修起先道故名為無
功力地諸佛子諸菩薩摩訶薩得如
是智慧名為得入佛境界名為佛切
德所照明名為隨佛威儀行趣向佛
法常為諸佛神力善護常為四天王
釋提桓因梵天王等所奉迎常為密
迹金剛神之所侍衛善能生諸深禪
定常能作无量諸身差別於諸身中
皆有勢力得大果報神通力於無邊
三昧中得自在能受无量記隨眾生
成就慶示成阿耨多羅三藐三菩提
是菩薩入如是大智慧善通達諸法
常放大慧光明度無障導法性道善

十住持卷第三 第三三品 成
知世間法道差別能示一切諸功德

隨意自在善解先際後際能入迴轉
魔道智中入如來所行境界中能於
無邊世界行菩薩道以不轉相故是
故此地名為不動諸佛子諸菩薩摩
訶薩在不動地善生禪定力故常不
離見無邊諸佛而不捨盡供養供給
諸佛是菩薩於一切劫一切世界中見
數百千萬億那由他無量无边阿僧
祇佛供養恭敬尊重讚歎具一切供
養事而用供養親近諸佛從諸佛受
世間別異等諸法明是人轉深入如
來法藏問世間性差別事中無能盡
者乃至百千萬億劫說不可盡又諸
善根轉勝明淨譬如成鍊真金巧
匠雜寶作瓔珞已繫四天下主頭
閻浮提人元能奪者諸佛子菩薩摩
訶薩亦如是住是無動地諸善根轉
勝明淨一切聲聞辟支佛乃至七地
菩薩所不能壞菩薩住是地以善分
別智門故智慧光明滅眾生煩惱熱
如佛子若千世界主大梵天王能於
一時流布慈心滿千世界亦能放光

遍照其中諸佛菩薩摩訶薩亦如是住無動地中能放身光照十方三千大千世界微塵數等世界衆生亦能滅諸惱熱令得清涼諸佛子是名略說菩薩摩訶薩不動地若廣說者無量劫數所不能盡菩薩住是地中多作大梵天王主千世界諸根猛利與諸衆生聲聞辟支佛菩薩波羅密道因緣無有窮盡說世間性差別中無能壞者所作善業若布施若愛語若利益若同事皆不離念佛念法念諸菩薩伴乃至不離念一切種智常生是我當何時於衆生中為首為尊乃至於一切衆生為依止者是菩薩若欲勤行精進於須臾間得百萬三千大千世界微塵數諸三昧乃至能示百萬三千大千世界微塵數菩薩眷屬若以願力神通自在能過是數若干百千萬億劫不可稱計余時金剛藏菩薩欲重明此義而說偈言

菩薩住七地 慧方便已得 善集助道法 大願之所繫 諸佛神力護 善報悉成就 求於勝智故 能入第八地 善集於福德

而有深慈悲離諸有量心心同如虛空如所說法中心得決定力如是得寂滅微妙无生忍諸法從本來無生亦无滅無相亦无出不失亦不行諸法初中後與如無分別无有心意行同若如虛空成就如是忍無有諸戲論得是不動地甚深寂滅行一切諸世間不能得測量一切諸心相皆悉已壞盡菩薩住是地心識無分別如入滅盡定无念想分別猶如人夢中遽欲行渡水覺則心廓然自知無所作得是深忍已一切想念滅亦如諸梵王无欲界煩惱先以願力護諸佛今勸言如是第一忍是諸佛職位我等深智力無畏不共法汝既无有此當加勤精進汝今雖得滅一切煩惱火當觀諸世間煩惱常熾然當念本所願欲利諸衆生悉遍知諸法廣度於一切諸法實性相常住無變異二乘亦得此不以得名佛但以得无尋甚深微妙智通達三世故乃得名為佛是諸无等等天人所恭敬開是衆智門令入諸佛法成就無邊底无量妙智慧先所行諸法不及今一念如是諸菩薩得妙智慧地

能在一念中身遍於十方入是智慧門行道疾无尋如行於大海風力令去疾離諸巧用心但在於智業觀十方世界成壞及與住能知四大一亦知種種異小大無量相種種諸差別能數知三千大千界微塵亦知衆生身四大微塵數諸天身衆寶微塵數差別皆悉遍照了餘亦如是知智慧因緣故心轉得調柔為利諸衆生遍諸世界身能於衆生身而自作己身及諸佛世界諸餘種種身如日月隨風影現一切水菩薩亦如是隨順智慧風常住於法性湛然不移動於淨心衆生各現其身像隨諸心所樂而現為受生於諸人天會悉皆示其身菩薩於因緣和合中自在乃至能隨意而為現佛身衆生國土身業報賢聖身智身與法身知皆同平等以是因緣故得如意神通為令世歡喜而現種種身能得於十種妙大自在智所作隨智行順於慈悲心諸佛所有法皆能善修習住三淨業中不動如須弥能得大菩薩所有十種力一切諸魔衆皆所不能轉常為諸佛護擇梵所敬礼密迹金剛神

十住經卷第四 第三十八卷

常隨而侍衛菩薩得是地功德元有量
百千萬億劫說之不可盡得近無數佛
增益諸善根如真金雜寶莊嚴在三頭
菩薩在是地多作大梵王典領千國土
功德富无量能以三乘教而無有窮盡
慈心光普照破諸煩惱熱若欲於須臾
能得百三十六千世界數微塵諸三昧
能見十方佛其數亦如是若以其願力
過是元有量今已略解說第八地妙相
若廣演說者千億劫不盡

十住經卷第三

壬寅歲高麗國大藏都監奉

勅彫造

十住經卷第四

後秦三藏鳩摩羅什譯

我

妙善地第九

佛子演說此八地妙義時以佛神力故
震動無量國一切智身出无量微妙光
遍照十方界衆生得安樂千萬數菩薩
住於虛空中設衆妙供養諸天所無有
大自在天王并及他化王歡喜衆妙供
大海功德佛天女數千萬恭敬咸歡喜
同以微妙音歌歎佛功德以佛神力故
出如是妙法善行寂滅者無有諸惡心
各在於其地善修菩薩行利益世間故
遍遊於十方示衆以佛道心同空无碍
諸菩薩神力上妙供養具勝十方人天
福德之所致佛子樂智者以此示佛力
於一國不動而現一切處利益於世間
如滿月明淨滅一切音聲語言諸想念
而以諸音聲說法猶如響隨衆生下劣
其心默沒者示說聲聞道今出於衆苦
隨所有衆生諸根小利者樂於因緣法
為說辟支佛隨所有利根利益衆生者
有大慈悲心為說菩薩法若无上大心

十住經卷第四 第三十九卷

決定樂大事為示於佛身說無量佛法
譬如幻化師示種種身色如是諸身相
皆無有實事如是諸佛子善知智慧得
能示一切行心離於有无諸天女千萬
微妙音歌歎如是歌歎已默然而視佛
又解脫月言佛子大會淨一心願樂聞
過八地正行

金剛藏菩薩言佛子諸菩薩摩訶薩
以如是無量智善觀佛道欲更求轉
勝深寂滅解脫欲轉勝思惟如來智
慧欲入如來深密法中欲選擇取不
可思議大智慧欲選擇諸陀羅尼三
昧重令清淨欲令諸神通廣大欲隨
順世間差別行欲修諸力无畏佛不
共法無能壞者欲順行諸佛轉法輪
力欲不捨所受大悲大願得入第九
地諸菩薩住此地中如實知起善不
善無記法行知有漏无漏法行世間
出世間法行思議不可思議法行定
不定法行聲聞辟支佛法行菩薩道
法行如來地法行有為法无為法行隨
順如是智慧如實知菩提心所行難知
諸煩惱難業難諸根難願樂難性難

志心難深心難生難殘氣難三聚差別難知衆生諸心差別相心難相心輕轉相心壞不壞相心無形相心无边通自在相心清淨差別相心垢相心无垢相心縛相心解相心諂曲相心質直相心隨道相皆如實知是菩薩知煩惱深相知淺相知煩惱心伴相不離相知使經差別相知是心相應不相應相知是生時得果報相知是三界中差別相知愛癡見深入如箭相知惱傷癡重罪相知是三業因緣不斷相略說乃至如實知入八万四千煩惱行差別相是菩薩知諸業善不善無記相分別未分別相心伴相不離相自然盡相行道盡相種種相集相不失果報相次第相有報相无報相黑黑報相白白報相黑白黑白報相非黑非白能盡業相知業起處相受業法別異相知無量因緣起業相知世間業出世間業差別相現報相生報相後報相隨諸業定相不定相略說乃至如實知八万四千諸業差別相是菩薩知諸根軟中利差別

相知先際後際別異相不別異相知上中下相知煩惱伴相不相離相隨諸乘定相不定相淳熟相未淳熟相隨心行相易壞相深取相增上相不可壞相轉相不轉相三世差別相深隱共生差別相略說乃至如實知八万四千諸根差別相是菩薩知衆生諸欲樂軟中利相略說乃至如實知八万四千欲樂差別相是菩薩知諸性軟中利相略說乃至如實知八万四千諸性差別相是菩薩知深心軟中利相略說乃至如實知八万四千深心差別相是菩薩分別知諸結使有伴共心生不共心生心相應心不相應深入相無始來隨惱衆生相與一切禪定解脫神通相遠近繫縛三界繫无量心而不現前開諸業門而無所知可對治相无所有相無定事相不異聖道相滅動相是菩薩如實知諸生差別相所謂地獄畜生餓鬼阿脩羅人天差別色界无色界差別有想無想差別業是田愛是水无明是黑闇覆識是種子後身是生牙名色共

生而不相離有癡愛相續相欲生欲作欲愛不離樂衆生相分別三界差別相三有相續相皆如實知是菩薩如實知諸習氣若有餘若無餘隨所生處有習氣隨共衆生住有習氣隨業煩惱有習氣善不善无記有習氣離欲有習氣隨後身有習氣次第隨逐有習氣深入道斷相持煩惱相離則無法皆如實知是菩薩如實知衆生定不定相正定相邪定相不定相邪見中邪定相正見中正定相離此二無定相一一五逆是邪定相五根是正定相邪位是邪定正位是正定更不作故離此二位是不定相深入邪聚有難得轉相令脩无上道因緣相不定聚邪定聚衆生守護相皆如實知佛子諸菩薩摩訶薩隨如是智名為安住妙善地菩薩住是地知衆生如是諸行差別相隨其解脫而與因緣是菩薩知化衆生法知度衆生法如實知而為說法聲聞衆相辟支佛衆相菩薩衆相如來地相如實知隨衆生因緣而為說法隨心隨根隨欲

樂差別而為說法又隨行處隨智慧
本經卷第一 第三
 慶而為說法知一切行慶隨而說法
 隨衆生性深入難慶而為說法隨道
 隨生隨煩惱隨習氣轉故說法隨衆
 令解脫故說法是菩薩住此地中為
 大法師守護諸佛法藏墮在大法師
 深妙義中用無量慧方便四無尋智
 起菩薩言辭說法是菩薩常隨四無
 尋智而不分別何等為四一法無尋二
 義無尋三辭無尋四樂說無尋是菩
 薩用法無尋智知諸法自相以義無
 尋智知諸法差別以辭無尋智知無
 分別說諸法以樂說無尋智知諸法
 次第不斷復次以法無尋智知諸法
 無體性以義無尋智知諸法生滅相
 以辭無尋智知諸法假名而不斷假
 名說以樂說無尋智隨假名不壞無
 邊說復次以法無尋智知現在諸法
 差別相以義無尋智知過去未來諸
 法差別相以辭無尋智知過去未來
 現在諸法以無分別說以樂說無尋
 智於一世得無邊法相故說復次
 以法無尋智知諸法差別以義無尋

智知諸法義差別以辭無尋智隨諸
十住經卷第四 第七
 言音而為說法以樂說無尋智隨所
 樂解而為說法復次以法無尋智以
 法智知諸法差別以方便知諸法無
 差別以義無尋智以比智如實知諸
 法差別以辭無尋智以世智說諸法
 差別以樂說無尋智知善說第一義
 復次以法無尋智知諸法一相不壞
 以義無尋智善入陰入界諦因緣法
 以辭無尋智一切世間之所歸趣以
 微妙音故以樂說無尋智所說轉勝
 能令衆生得無邊法明復次以法無
 尋智知諸法無有分別攝在一乘以
 義無尋智入分別諸法差別門以辭
 無尋智說諸乘無分別義以樂說
 以法無尋智能入一切菩薩行智行
 法行隨智行以義無尋智能分別說
 十地義差別以辭無尋智不分別說
 隨順諸地道以樂說無尋智說一切
 行無邊相復次以法無尋智知一切
 佛於一念中得菩提以義無尋智知
 種種時處差別以辭無尋智隨諸佛

得道事差別說以樂說無尋智於一
十住經卷第四 第八
 句法無邊劫說而不窮盡復次以法
 無尋智知一切佛說一切佛力无所
 畏不共法大慈大悲無尋智轉法輪
 等隨順一切智以義無尋智隨如來
 音聲出八万四千隨衆生心隨根隨
 欲樂差別以辭無尋智以如來音聲
 不分別說一切諸行以樂說無尋智
 以諸佛智慧力隨衆生所樂音聲說
 諸佛子菩薩摩訶薩如是善知無尋
 智安住第九地名為得諸佛法藏能
 為大法師得衆義陀羅尼衆法陀羅
 尼起智陀羅尼衆明陀羅尼善意陀
 羅尼衆財陀羅尼名聞陀羅尼威德
 陀羅尼无尋陀羅尼無邊旋陀羅尼
 雜義藏陀羅尼得如是等百万阿僧
 祇陀羅尼隨應方便說如是无量樂
 說差別門演法是菩薩得如是無量
 陀羅尼門能於无量諸佛所聽法聞
 已不忘如所聞法能以無量差別門
 為人演說是菩薩於一佛所以百万
 阿僧祇陀羅尼聽受法如從一佛聽
 法餘無量无边諸佛亦如是是菩薩

於禮敬佛時所聞法明門非多學聲聞得陀羅尼力於十萬劫所能受持是菩薩得如是陀羅尼力諸無尋智樂說力以說法故在於法座遍三千大千世界衆生隨意說法是菩薩在法座上唯除諸佛及受職菩薩於一切中軍為殊勝心中得無量法明是菩薩震於法座或以一音令一切大衆悉得解了即得解了或以種種音聲令一切大衆各得開解即得開解或以默然但放光明令一切大衆各得解法即得解法或一切毛孔皆出法音或三千大千世界所有色無色物皆出法音或以一音圓滿世性悉令得解是菩薩三千大千世界所有衆生一時問難一衆生以無量無邊音聲差別問難如一人所問餘者異問是菩薩於一念中悉受如是問難但以一音皆令開解如是二三千大千世界三四五十二三三十四十五十若百三千大千世界若千三千大千世界若十萬百萬若億三千大千世界若十億百千萬億那由他

乃至不可說不可說三千大千世界滿中衆生廣為說法時承佛神力能為衆生廣作佛事倍復精勤攝取如是智明若於一毫末中有不可說不可說世界微塵數大會佛在此中而為說法佛隨若干衆生心說法令一衆生心中得若干無量諸法如一佛一切佛在大會中說法皆亦如是如一毛頭一切十方世界皆亦如是於是中應生大憶念力於一念中從一切佛所受一切法明而不失一句如上大會滿中衆生聽法或於是中以決定清淨法明演說令得開解於一念中令令所衆生皆得歡喜何況若干世界中衆生是菩薩住是地中善根轉勝晝夜更無餘念深入諸佛行處常與一切佛會深入菩薩解脫菩薩隨順如是智常見諸佛而於一切劫中元量無邊百千萬億以妙供具供養諸佛於諸佛所種種問難通達諸陀羅尼是菩薩善根轉勝明淨如是佛子如成鍊金具足莊嚴轉輪聖王寶冠若在環珞一切小王四天

下人無能奪者諸佛子菩薩摩訶薩亦如是住此妙善地中諸善根轉勝明淨无能壞者聲聞辟支佛及諸地菩薩所不能壞是菩薩善根轉勝明能照衆生煩惱難處照已還攝佛子譬如大梵王三千大千世界一切所有難處皆悉能照菩薩亦如是住是菩薩妙善地中善根明淨照衆生煩惱難處照已還攝諸佛子是名略說菩薩摩訶薩第九菩薩妙善地若廣說則元量無邊劫不可得盡菩薩摩訶薩住是地中多作大梵王典領三千大千世界无有能勝如實解義者於自在中而得自在善能宣說聲聞辟支佛菩薩波羅蜜衆生問難無能窮盡所作善業若布施若愛語若利益若同事皆不離念佛念法念菩薩伴乃至不離念一切種智常生是心我當何時於衆生中為首為尊乃至於一切衆生中為依止者是菩薩若欲如是勤行精進於一念中得百萬阿僧祇三千大千世界微塵數三昧乃至能示百萬阿僧祇三千大千世界

十住經卷第四 第十段 我
微塵數菩薩眷屬若以願力神通自在復過是數百千萬億那由他劫不可稱說今時金剛藏菩薩欲重明此義而說偈言

諸菩薩隨順無量深智力第一寂微妙一切世難知利益衆生者能至第九地得入於諸佛秘密之歡慶得微妙寂上三昧陀羅尼廣大神通力善入世間相智慧力決定能觀諸佛法大願悲心淨得入第九地順行此上地持諸佛藏者即能通諸法善不善無記是有漏無漏世間出世間是則可思議是不可思議知法定不定三乘具足相思惟分別此有為無為相起知如是法破諸無明闇隨順是智心則為第一妙悉知諸衆生險難諸難心輕躁易轉心無邊自在心煩惱深淺相心伴不離心又知使纏相隨順相續有知種種種種各各差別相因滅果不失通達如是事又如於衆生諸根軟中利廣大差別等先除後際相上中下差別及諸欲樂等乃至能悉知八萬四千種世間性亦令煩惱見難處無始來不斷諸心一切使皆與心共行

十住經卷第四 第十段 我
縛心難可斷知諸結使等但妄想分別无有方處所亦無定事相亦不離於身又亦難得知禪定力能遠金剛道能斷又能知衆生入六道差別愛水癡闇覆業田識是種生於後身牙名色共增長无始生死來相續在三界及知天龍等煩惱諸業心若離於心者是則無所有一切諸衆生皆在三聚中或沒諸邪見或在於智道菩薩住是地悉知衆生心諸根及欲樂種種差別等深心善思惟隨宜而說法通達无等智善以言辭說菩薩為法師猶如師子王牛王如山王安住無所畏普於諸世界雨美甘露味猶如大龍王能雨滿大海是菩薩善知法義辯无尋善能隨順行具足樂說力能得於百萬阿僧祇持能受諸佛法如海受龍雨菩薩得如是諸深妙清淨無量陀羅尼諸三昧力故能於一念中得見无量佛聞已淨梵音演說妙法寶是菩薩教大干界衆生隨心根所好說法令歡喜如是等無量三千大千國轉深勤精進而作是思惟或於一毛頭无量佛說法佛為種種人演說於妙法

十住經卷第四 第十段 我
是菩薩皆受如地受諸種種復作如是願十方諸所有國土中衆生皆合為一會應於一念中皆悉知其心以一音說法悉令斷疑網菩薩住是地人天中法王為大說法師隨順衆生心常於日夜中與諸佛共會能住甚深妙寂滅智解脫供養无量佛善根轉明淨猶如轉輪王真金嚴寶冠光明照衆生煩惱險難處如梵王光明照於大千界菩薩住是地作三千大千世界大梵王諸根悉猛利善以三乘法示悟諸衆生所作諸善業皆順於正念能在一念中而得於无量世界微塵數諸深妙三昧得見十方佛微妙音說法見佛大神力更發無量願如是第九地大智所行處深妙難知見今已略說竟

法雲地第十
說諸大菩薩所行無上事無數那由他首陀會諸天於上虛空中心皆大歡喜咸以恭敬心衆妙供養佛那由他菩薩歡悅無有量燒諸奇妙香滅除諸煩惱他化自在王與諸天大衆住在虛空中心皆大歡喜咸以恭敬心種種設供養

各散眾寶空中旋轉下无量億天女諸根欣悅豫於上虛空中敬心供養佛同作無量億那由他伎樂於諸眾物中皆出如是音佛坐於此處志遍於一切十方國土中皆有佛現无量億種種相好莊嚴身殊妙無有比充滿於世界於一毛孔中出无量光明滅除於一切世間煩惱火十方微塵數不可得計量一毛孔光明亦復不可盡各見有佛身以三十二相八十好莊嚴轉於无上輪或見佛種種為眾而說法或見在兜率教化於諸天或見從兜率來下處胞胎或見初生時或見夜出家或見坐道場而成無上道或見轉法輪或見入涅槃於无量國土種種而示現欲度眾生故皆有如是事譬如巧幻師善知於幻術多示諸眾生種種諸異身如是佛慧中善巧於示現變化一切身周遍諸世間如諸法空寂先求無性相同若如虛空大師亦如是得入第一義微妙之性相隨於法性相示佛大神力諸佛所行性一切諸眾生皆在是性中相可相同相一切諸法等入在於第一寂滅義趣中

悉皆无有相若欲得佛智應難諸想念有無俱通達疾作天人師諸天殊女眾皆出如是等千万種妙音寂然而觀佛解脫月菩薩見眾皆寂然請金剛藏言大名稱佛子菩薩從九地至於第十地諸大神通力願令為略說

尔時金剛藏菩薩言佛子諸菩薩摩訶薩如是無量智慧善修行佛道乃至九地善集諸白法集元量助道法大功德智慧所護廣行大悲深知分別世間性差別深入眾生難處至諸如來行處念隨順如來寂滅行慶趣向諸佛力無所畏不共法等堅持不捨得至一切智慧位諸佛子菩薩摩訶薩隨行如是智近佛位地則得菩薩難垢三昧而現在前又入法性差別三昧莊嚴道場三昧雨一切世間華光三昧海藏三昧海印三昧虛空廣三昧觀擇一切法性三昧隨一切眾生心行三昧如實擇一切法三昧得如來智信三昧如是等百万阿僧祇三昧皆現在前是菩薩悉入此三昧善知其中功用差別最後三昧名

益一切智位是三昧現在前時大寶蓮花王出周圍如百万三千大千世界一切眾寶間錯莊嚴過一切世間所有出世間善根所生行諸法如幻性空慧所成光明能照一切世界大寶琉璃為莖勝一切諸天所有不可量梅檀王為臺大馬瑙寶為顯閭浮檀金光為葉中有元量光明一切妙寶皆在其內寶網覆上滿十三大千世界微塵數蓮花為眷屬尔時菩薩其身殊妙無可華座是菩薩得益一切智位三昧力故身現在大蓮華座上即時諸眷屬蓮華上皆有菩薩圍遶之一一菩薩坐蓮華上即得百万三昧皆一心恭敬瞻仰大菩薩是菩薩昇蓮華座時十方現在一切世界皆大震動一切惡道皆悉休息光明普照十方世界一切世界皆悉嚴淨皆得見聞一切諸佛大會何以故是菩薩坐大蓮華座上即時足下出百万阿僧祇光明照十方阿鼻地獄等滅眾生苦惱兩膝上放若干光明悉照十方一切畜生滅除苦惱釋放

若千光明照十方一切餓鬼滅除苦

十住經卷第四 第十段 戒

惱左右脇放若千光明照十方人身
安隱快樂兩手放若千光明照十方
諸天阿脩羅宮殿兩肩放若千光明
照十方聲聞人頂放若千光明照十
方辟支佛口放若千光明照十方世
界諸菩薩身乃至住九地者白毫放
若千光明照十方得位菩薩身一切
魔宮隱蔽不現頂上放百万阿僧祇
三千大千世界微塵數光明照十方
諸佛大會圓遠世界十市住於虛空
成光明網高大明淨供養諸佛如是
供養從初發心乃至九地菩薩所作
供養百分不及一乃至百千万億分
不及一乃至等數譬喻所不能及是
大光明網勝十方世界所有華香末
香燒香塗香衣服幡蓋眾寶瓔珞摩
尼寶珠供養之具以從出世善根生
故一一佛大會上皆雨眾寶狀如大
雲若有眾生覺知如是供養者當知
皆是必定無上大道如是諸光雨大
供養已還繞諸佛大會十市入諸佛
足下念時諸佛及大菩薩知某世界

中某甲菩薩摩訶薩行如是道成就

十住經卷第四 第十一段 戒

受職諸佛子即時十方无邊菩薩乃
至住九地者皆來圍遶設大供養一心
恭敬瞻礼各得万三昧諸得職菩薩
摩訶薩於金剛莊嚴會出一大光名
破魔賊有无量百千万光以為眷屬
照十方世界示無量神力亦來入是
大菩薩會此光明滅已是菩薩即時
得大勢力神通智慧百千万倍諸佛
子念時諸佛出眉間白毫相光名益
一切智位有无量无边光明眷屬照一
切十方世界無有遺餘十市圍遶一
切世界示於諸佛大神通力勸進元
量無邊百千万億諸菩薩一切十方
世界六種震動滅除一切惡道若惱
一切魔宮皆蔽不現示一切諸佛得
道之慶示一切諸佛大會莊嚴事廣
大如法性究竟如虛空照明一切世
界已集在虛空右遶示大神通莊嚴
之事入是菩薩頂上其諸眷屬光明
入諸眷屬蓮華菩薩頂上即時諸菩
薩各得先所未得十十三昧是光明
入此菩薩頂如一佛光一切佛光皆

亦如是一切十方佛光明入是菩薩

十住經卷第四 第十二段 戒

頂時名為得職名為入諸佛境界為具
佛十力當墮在佛數諸佛子譬如轉
輪聖三長子大夫人所生成就轉輪
王相轉輪聖王令子在白鳥寶閣浮
檀金座上取四大海水上張羅揚種
種莊嚴幢幡伎樂執金鍾香水灌子
頂上即名為灌頂大三具足轉十善
道故得名轉輪聖王諸佛子菩薩摩
訶薩亦如是受職時諸佛以智水灌
是菩薩頂名灌頂法王具足佛十力
故墮在佛數諸佛子是名諸菩薩摩
訶薩大智慧職以是職故諸菩薩
摩訶薩受無量百千万億万苦行難事
是菩薩得是職已住菩薩法雲地无
量切德智慧轉增諸佛子菩薩住是
法雲地如實知集欲界集色界集無
色界如實知集世間性集眾生性集
識性集有為性集無為性集虛空性
集法性集涅槃性集邪見諸煩惱性
如實知諸世間行法還法如實知集聲
聞道集辟支佛道集菩薩道集諸佛力
元畏不共法集色身法身集一切智

慧如是集得佛道集轉法輪集示滅
度舉要言之如實知示集一切法
差別是菩薩以如是智慧隨順菩提
行如實轉深入知衆生化業化煩惱
化諸見化世性化法性化聲聞化辟
支佛化菩薩化如來化一切化分別
無分別化皆如實入是菩薩亦時如
實知佛力所持如實知法處持如實知
業持煩惱持時持願持先世持行持
劫壽持智持是菩薩住十地中諸佛
所有微細行智所謂微生微智微細
微世智微細出家智微細得道智微
微神力自在智微細轉法輪智微細
持壽命智微細示涅槃智微細法久
住智如是等細微智皆如實知又諸
佛密處所謂身密口密意密籌量時
非時密與菩薩受記密攝伏衆生密
諸乘差別密八万四千諸根差別密
業如實所作密行密得菩提密如是
等密皆如實知是菩薩諸佛所有入
劫智所謂一劫攝阿僧祇劫阿僧祇
劫攝一劫有數攝無數無數攝有數
一念攝無量世无量世攝一念劫攝

非劫非劫攝劫有佛劫攝无佛劫無
佛劫攝有佛劫過去未來劫攝現在
劫現在劫攝過去未來劫未來過去
劫攝現在劫現在劫攝未來過去劫
長劫攝短劫短劫攝長劫諸劫攝想
皆如實知是菩薩諸佛所入毛道智
若入微塵智若國土智身心智得道
智若衆生身心得道智若衆生行智
得道智遍行佛道智順行示智逆行
示智不可思議智世間能知聲聞能
知辟支佛能知菩薩能知有不能知
但如來能知皆如實入諸佛子諸佛
智廣大无量無邊菩薩住是地則能
得入如是智慧諸佛子是菩薩摩訶
薩隨是地行得菩薩不可思議解脫
得菩薩無尋解脫淨行解脫普門明
解脫如來藏解脫隨无尋論解脫入
三世解脫法性藏解脫解脫明解脫
離差別解脫諸佛子是菩薩十解脫
為首如是等无量無邊百千万億阿
僧祇解脫皆於此地得得百千万无
量阿僧祇三昧百千万无量阿僧祇
陀羅尼百千万无量阿僧祇神通亦

復如是是菩薩成就如是智慧隨順
於菩提成就無量念力能於一念頃
至十方无量佛所受無量法明无量
法雨皆能受持譬如娑伽羅龍王所
樹大雨唯除大海餘地不能堪受諸
佛子菩薩摩訶薩亦如是受大法雨
故能入如來密處是大法雨一切衆
生聲聞辟支佛皆不能受從初地乃
至九地菩薩亦不能受持唯此菩薩
摩訶薩住法雲地悉能受持諸佛子
譬如大海一龍王起大雲雨皆能堪
受若二龍王三四五十二三十四
十五十若百龍王若千万若億若
百億若千万億都由他龍王乃至無
量无边大龍王起雲雨一時澍下
皆能受持所以者何大海是無量器
故諸佛子菩薩摩訶薩亦如是住法
雲地於一佛所能受大法明雨二佛
三四五十百千万億乃至无量无边
不可稱不可說无有限過諸竿數於
一念中皆能堪受如是諸佛大法雲
雨是故此地名法雲地問言佛子是
菩薩於一念中為能堪受幾所佛法

明大南答言不可以竿數所知但以

上住經卷第四 第三十四段 戒

辭喻可說諸佛子辭如十方所有不可說百千萬億都由他世界中微塵介所微塵世界中衆生假使皆得聞持陀羅尼為佛侍者為大聲聞多聞第一辭如金剛蓮花上佛有大擇比丘多聞第一其一衆生成就如是多聞之力餘若干衆生皆亦如是其一人所受法第二人不重受如是一切各不同諸佛子於意云何是一切衆生受持多聞力為多不答言无量諸佛子我今當為汝說是菩薩住此法雲地於一念一時於一佛所能堪受三世法性藏名曰大法明雨上一切衆生多聞之力比此百分不及一十分万分千万億都由他乃至竿數辭喻所不能及如一佛所聞十方若干世界所有微塵諸佛皆能堪受大法明雨復能過此無量無邊於一念一時悉能堪受大法明雨是故名為法雲地復次佛子菩薩摩訶薩住是大法雲地自從願力生大慈悲放大法雷音諸通明無畏以為電光發大

智慧以為疾風大福德善根以為密

上住經卷第四 第三十五段 戒

雲現種種身色為雜色雲說法降魔以為雷音一念一時能於上所說微塵世界皆悉周普无有遺餘復過此數以兩善法甘露法雨故滅衆生隨心所樂無明所起煩惱塵垢是故名為法雲地復次諸佛子菩薩摩訶薩住是法雲地於一世界中從兜率天上來下乃至示大涅槃一切佛事隨所度衆生皆現神力若二十三世乃至如上微塵數世界又復過是百千万億阿僧祇世界從兜率來下乃至示大涅槃一切佛事隨所度衆生皆現神力是菩薩住在此地於智慧中得上自在力善擇大智慧或以狹國為廣廣國為狹或以垢國為淨如是一切世間性皆有神力是菩薩或於一微塵中有一三千大千世界鐵圍山川而不迫隘或二三四五十二三十四十五十若百若千万億无量不可說不可說世界諸莊嚴事皆示入一微塵若以一世界莊嚴事示不可說不可說世界或以乃至不可

說不可說世界衆生置一世界中亦

上住經卷第四 第三十六段 戒

不迫隘或以一世界衆生置不可說不可說世界中或以不可說不可說世界示著一毛頭而不惱衆生或於一毛中示一切佛神通力莊嚴之事或以十方所有不可說不可說世界微塵於一念中現如是等身於一身中示若干無量手以此手勤心供養十方諸佛以一手捉恒河沙等蓮華聚以散諸佛塗香雜香末香衣服幡蓋寶物亦復如是一切莊嚴之具皆以手執供養諸佛於一身皆亦如是又一一身化有衆所塵數頭於一二頭有衆所塵數舌以是神力讚歎諸佛如是等事於念念中遍滿十方於念念中以神通力於无量世界示得佛道轉於法輪乃至大般涅槃於三世中以神通力示現無量身於自身中現無量無邊佛土莊嚴事於自身中示一切世界成壞事或令一切諸風皆於一毛孔出而不惱衆生或欲以無量無邊世界為一海水此海水中作大蓮華形色光明遍照无量

無邊世界於中示得菩提莊嚴妙事
乃至示得一切種智自身中所有
一光明摩尼寶珠電光日月星宿諸
光明乃至十方世界所有光明諸物
皆於身中現以口噓氣能令一切十方
无量無邊世界震動而不令眾生
有驚畏想示十方世界水劫盡風劫
火劫盡而眾生身隨意莊嚴或欲於
自身示作如來身如來身作自身如
來身作已佛國已佛國作如來身諸
佛菩薩摩訶薩在此菩薩法雲地
神變如是又餘无量神力自在奇異
示現令時會中有諸菩薩天龍夜叉
乾闥婆阿脩羅迦樓羅緊那羅摩睺
羅伽釋提桓因梵天王四天王自在
天子淨居天等各作是念若菩薩神
通力智慧力如是無量无边復云
何令時解脫月菩薩摩訶薩知大眾
心所念問金剛藏菩薩言佛子今諸
大眾皆有所疑聞是菩薩大神通智
慧力墮在疑網汝今當斷一切疑惑
示菩薩神通莊嚴妙事即時金剛藏
菩薩入一切佛國體性三昧時諸大

衆天龍夜叉乾闥婆阿脩羅迦樓羅
緊那羅摩睺羅伽釋提桓因梵天王
護世天王自在天子淨居天等大衆
皆自見知入金剛藏菩薩身中於其
身內見有三千大千世界莊嚴衆事
若滿一劫說不可盡於中見佛道場
樹其莖周圍十萬三千大千世界高
百千三千大千世界覆蔭三千億三
千大千世界稱樹高廣有師子座其
座上有佛号一切智王如來一切大
衆咸皆見佛坐在座上其中所有莊
嚴上妙供養之具滿一劫說亦不可
盡金剛藏菩薩示現如是大神力已
還令大眾各在本處令時一切衆會
生希有想默然一心觀金剛藏菩薩
令時解脫月菩薩問金剛藏菩薩言
佛子甚為希有是三昧有大勢力是
三昧者名為何等答言是三昧者名
為一切佛國體性問言是三昧所有
勢力為齊幾所答言佛子若菩薩摩
訶薩善修成是三昧力者能以如是
无量恒河沙世界微塵數三千大千
世界於身中現復過是數佛子菩薩

摩訶薩在此法雲地得如是諸菩薩
三昧無量无边百千萬億以是故此
菩薩住是地中身身業難可測知口
業難可測知心意業難可測知神
力自在難可測知觀三世法難可測
知諸三昧行入難可測知智力難可
測知遊戲諸解脫難可測知變化所
作神力所作勢力所作難可測知略
說乃至舉足下足乃至小至菩薩
住妙善地者不能測知諸佛菩薩
法雲地如是元量今已略說若廣說
者無量无边阿僧祇劫不能得盡問
言佛子若菩薩行處力神通力如是
者佛行處力神通力復云何答言佛
子譬如有人取四天下中二三塊土
作是言無邊世界地性為多此耶沒
所問者我謂如是如來元量智慧云
何以菩薩智慧而欲測量諸佛子如
人取四天下中少地性餘在極多諸
菩薩法雲地於無量劫但可說耳何
況如來地諸佛子我今唱說令汝知
之佛現在為證如一方无量無邊
世界微塵等諸佛世界十地菩薩皆

十住經卷第四 第三張 戌

滿其中譬如稻麻菓林是諸菩薩有無量无边業修習菩薩功德智慧種定於如來功德智慧力百分不及一百千万億分不及一乃至等數譬喻所不能及諸佛子是菩薩隨如是智慧順如來身口意亦不捨諸菩薩三昧而勤心供養諸佛於一切以一切虛現現身供養具供養无量無邊諸佛而能具受諸佛神力轉復明勝是菩薩於法性問難无能勝者乃至無量无边百千万億劫不可窮盡佛子譬如大金師善治此金為莊嚴物以天上摩尼寶珠間錯其中安置自在天王頭上其餘諸天無能奪者又諸天人莊嚴之具无能及者諸佛子菩薩住十地中智慧功德善根從初地至九地諸菩薩摩訶薩所不能及菩薩住是地中得大智照明故能隨順一切智慧其餘智慧之明所不能壞譬如佛子大自在天王光明一切生處衆生光明所不能及能令衆生身心涼冷諸佛子菩薩摩訶薩亦如是住是法雲地中智慧光明一切聲聞辟

十住經卷第四 第三張 戌

佛

支佛所不能及從初地乃至九地菩薩摩訶薩亦不能及是菩薩住是地中能令無量衆生住一切智道諸佛子菩薩摩訶薩住是地中諸十方佛為說智慧令通達三世正知法性相以智慧普覆一切世間照一切世間性大悲大慈普覆一切衆生正遍見知一切諸法舉要言之具足為說至一切智道佛子是名菩薩摩訶薩第十菩薩法雲地菩薩摩訶薩住是地中多作摩醯首羅天王智慧明達善說聲聞辟支佛菩薩波羅蜜於法性中有問難者無能令盡所作善業若布施若愛語若利益若同事皆不離念佛念法念菩薩伴念菩薩行念諸波羅蜜念諸地行不離念十力念无所畏念不共法乃至不離念具足一切種智常作是念我當何時於衆生中為首為勝為大為妙為上為無上為導為將為師為尊乃至於一切衆生中為依止者若欲如是勤行精進於一念中得無量百千万億那由他不

十住經卷第四 第三張 戌

示令所徹塵數菩薩眷屬若以願力神通自在復過是數所謂諸行上妙供具信解起業若身若口若光明若諸根若如意若音聲若行處乃至若干百千万億劫不可稱數諸佛子是名菩薩摩訶薩地次第順行趣向一切種智佛子譬如從阿耨達池四河流出滿足四天下轉增無有窮盡乃入大海諸佛子菩薩摩訶薩亦如是從菩薩出於善根大願之水以四攝法滿足衆生而不窮盡轉更增長乃至一切種智諸佛子是諸菩薩十地因佛智故而有差別譬如因地故有十大山王何等為十所謂雪山王香山王剎梨羅山王仙聖山王由乾陀羅山王馬耳山王屈民陀羅山王斫迦婆羅山王衆相山王須弥山王佛子如雪山王一切藥草集在其中取不可盡諸佛子菩薩摩訶薩亦如是住在菩薩歡喜地一切世間經書伎藝文頌呪術集在其中無有窮盡諸佛子如香山王一切諸香聚在其中而不可盡菩薩摩訶薩亦如是住

菩薩離垢地中持戒頭陀威儀助法
 集在其中无有窮盡諸佛子如軻梨羅
 伽山王但以寶成集諸妙華取不可盡
 諸佛子菩薩亦如是住於明地集一切
 世間禪定神通解脫三昧門不可盡
 諸佛子如仙聖山王但以寶成多有
 五神通聖人不可窮盡諸佛子菩薩摩
 訶薩亦如是住菩薩焰地中集令衆生
 入道因緣種種問難不可窮盡諸佛子
 如由軻陀羅山王但以寶成集夜叉
 大神夜叉羅刹衆不可窮盡諸佛子
 菩薩亦如是住菩薩難勝地中集一
 切自在如意神通說不可盡諸佛子
 如馬耳山王但以寶成集衆妙果取
 不可盡諸佛子菩薩摩訶薩亦如是
 住現前地中集深因緣法說聲聞果
 不可窮盡諸佛子如足民陀羅山王
 但以寶成集諸一切大力龍神不可
 窮盡諸佛子菩薩摩訶薩亦如是住
 菩薩遠行地中集種種方便智慧說
 辟支佛道不可窮盡諸佛子如斫迦
 婆羅山王但以寶成集心自在者不
 可窮盡諸佛子菩薩摩訶薩亦如是

住無動地集一切菩薩自在道說世
 間性不可窮盡諸佛子如衆相山王
 但以寶成集大神力諸阿修羅元有
 窮盡諸佛子菩薩亦如是住菩薩妙
 善地中集轉衆生行智說世間相不
 可窮盡諸佛子如須弥山王但以寶
 成集諸天神無有窮盡諸佛子菩薩
 亦如是住法雲地中集如衆十力四
 無所畏說諸佛法不可窮盡諸佛子
 是十寶山同在大海因大海水有差
 別相諸菩薩摩訶薩十地亦如是同
 在佛智因一切智故有差別相諸佛
 子譬如大海以十相故數名大海無
 有能壞何等為十一漸次深二不共
 死屍宿三餘水失本名四一味五多
 寶聚六極深難入七廣大元量八多
 有大身衆生依住九不過常限十能
 受一切大雨无有盈溢諸佛子諸菩薩
 行亦如是以十因緣故得名無有能
 壞何等為十歡喜地中漸次生堅固
 離離垢地中不與破戒者共宿明地
 中捨諸世間假名焰地中於佛所得
 一心不壞信淨難勝地中生世間無

量方便神通起世間事現前地中觀
 甚深因緣法遠行地中以廣大心善
 擇諸法无動地中能起大莊嚴事示
 現妙善地中能得深解脫通達世間
 行如實不過法雲地中能受一切諸
 佛大法明雨諸佛子譬如大摩尼寶
 珠有十事能與衆生一切寶物何等
 為十一出大海二巧匠加治三轉精
 細四除其垢穢五以火鍊治六衆寶
 莊嚴七寶以寶纒八置在琉璃高柱
 九光明四照十隨王意雨衆寶物諸
 佛子菩薩摩訶薩發菩提心寶亦有
 十事何等為十一初發心布施離慳
 二修持戒頭陀苦行三以諸禪定解
 脫三昧令轉精妙四以道行清淨五
 練以方便神通六以深因緣法莊嚴
 七以種種深方便智慧貫穿八置以
 神通自在幢上九觀衆生行放多聞
 智慧光明十諸佛授智職令時於一
 切衆生能為佛事墮在薩婆若數諸
 佛子是諸菩薩所行集一切智慧切
 德法門品若不深種善根者不能得
 聞問言若得聞者是人為得幾許福

十住經卷第四 第三十二

若言隨諸佛所有智慧慧力如是發
薩婆若心所得福德亦復如是何以故若
法門所得福德亦復如是何以故若
元菩薩心聞是法門不能信解受持
何況以身修習能成是事諸佛子以
是故當知是人隨順一切種智得聞
信解受持修行說是經時以佛神力
十方世界十億佛國微塵數世界六
種十八相動又法應震動諸天雨華
如雲而下雨諸香瓔珞天寶衣天幡
蓋天寶物天莊嚴身具雨天伎樂歌
頌而下更有大音讚歎十地殊勝之
事此他化自在天王宮四天下中如
是十方一切世界周遍皆說十地經
以佛神力故十方過十億佛國微塵
數世界有十億佛國微塵數諸菩薩
來遍滿十方虛空皆作是言善哉善
哉金剛藏佛子善說諸菩薩摩訶薩
住諸地相佛子我等皆亦名金剛藏
從金剛德世界金剛幢佛所來所經
歷處皆說是經衆會亦如是言辭亦
如是義趣亦如是不增不减佛子我
等以佛力故到此大衆來證是事諸

十住經卷第四 第三十三

佛子如我等來至此衆如是十方
一切世界一世間種性四天下上
他化自在天王宮摩尼寶殿皆有十
億佛國微塵數諸菩薩往為作證余時
金剛藏菩薩觀察十方觀一切大衆
觀深法性讚歎助發薩婆若心示衆
生菩薩大力欲淨諸菩薩行攝一切
衆生隨順薩婆若除一切世間之垢
與諸衆生一切種智因緣示不可思
議智慧莊嚴妙事說一切菩薩功德
差別相欲令此義轉勝明顯示衆生
故承佛神力而說偈言
諸菩薩所行樂於善寂滅其心元所著
猶若如虛空除貪患癡垢安住道智中
如是無上行願樂欲聽聞如是諸菩薩
在於元量劫勤心常修習萬億種善根
供養無量佛辟支阿羅漢為利衆生故
乃生菩提心精勤持戒行頭陀除罪垢
修善忍轉妙慚愧威德滿福慧因緣故
高勝心明淨深樂於佛智同佛生菩提
供養於一切十方三世佛如虛空等國
悉皆令清淨一切法平等善惡通達故
為度一切衆生於菩提心諸菩薩如是

十住經卷第四 第三十四

生是无量心至於歡喜地息惡樂布施
得諸本願力慈悲心偏多深行十善道
能到離垢地戒聞功德富慈心悲世間
永離諸垢穢深心常清淨普觀諸世間
三毒火熾然如是大士能入三明地
觀三界皆空無常亦如病如癰如瘡箭
百種苦常然見諸有為過貪著佛功德
得佛智明焰得入於焰地成就於念慧
得至道智中在此地供養百千種諸佛
常能思惟念諸佛无量德得入於一切
世間難勝地能以慧方便種種而示現
諸有所為作以利於世間供養於諸佛
作益衆生事無生法在前得入現前地
菩薩諸所行一切世難知常无有我心
離有亦離無諸法先空寂十二緣故行
善了此微細能入遠行地行慧方便等
得法寂滅相如是之大士難知難可及
為欲令世間得善寂滅故還起修諸行
種種福德事普入於衆生種種心行處
如是能得入等空不動地大智諸菩薩
悉善能具行種種諸智業得十自在力
能以無有量无边限諸身普現十方界
而為說妙法善達世間性及諸衆生性

如是大慈悲能入妙善地第妙淨智
善觀諸世間縷縷煩惱業深曲險難處
為度是等故得諸佛法廣善說第一義
悉无所遺錯如是次第行具足諸善法
乃至到九地所修集福慧欲得諸佛力
第一深妙利乃於一切佛能得受智職
先得無數定智行極廣大末後得難壞
諸智職三昧若能得如是一切職三昧
一切賢莊嚴大蓮花即出菩薩福蓮花
現身坐其上餘花諸菩薩咸共一心視
尔時大菩薩從身放无量百千億光明
滅諸世間苦然後頂上出百千億光明
普照十方界諸佛大會衆於上虛空中
化成光明網供養諸佛已入諸佛足下
時諸一切佛及諸大菩薩各知其菩薩
得受於智職如是一切佛報以眉間光
名曰一切職入此菩薩頂一切無量佛
與此菩薩職猶如轉輪王假授太子位
時諸十方界普皆大震動乃至阿鼻等
諸苦皆除滅菩薩為一切智慧得是職
如是名為到无上法雲地住於是地中
智慧無邊廣善知度一切世間諸因緣
入色无色法欲色無色界能知衆生性

國土性法性又能入可數不可數法中
乃至能觀擇虛空无量性入此地悲具
菩薩變化事諸佛威神力微細智密事
又能悉通達一切諸劫數於一毛端中
觀見世間性一切諸如來於此无上地
初生及出家得道轉法輪示入於涅槃
皆隨順於智寂滅妙解脫悉於此地得
此地諸大士憶念力大故諸佛大法雨
皆悉能受持譬如大海水能持龍王雨
諸佛大法雨菩薩受亦尔若於一佛所
一時聽受法十方無量主微塵數衆生
皆得聞悉持成於聲聞乘不如是菩薩
等數所不及大智慧力故及生大願力
能於一念中遍滿無量國雨甘露法水
滅諸煩惱火是故諸佛名此地為法雲
大士住此地供養諸佛具過諸天所有
普示大神力示衆轉勝力過是數无量
若人欲思量迷悶不能解大智住此地
舉足下足事及餘諸菩薩乃至於九地
皆悉不能知何況餘衆生三世諸聲聞
及與辟支佛住此諸佛示一切智慧事
亦與令通達三世無量智亦示法性寂
亦示種種變一切諸世界所有衆生類

所行一切法深微隱妙事一切佛功德
次第示令知菩薩住此地能以大供具
供養十方佛遍滿一切方一切諸世間
所有衆生類其餘諸供具皆所不能及
智者住此地皆能破一切無明諸闇冥
開示以佛道如自在天王光滅衆熱惱
佛子智光明滅衆惱亦尔住是地皆作
三界自在王通達諸智慧善以三乘化
能於一念中得无量三昧能見十方佛
其數亦如是金剛藏菩薩告諸大士言
我今略解說十地妙行已若廣演說者
千億劫不盡是則名清淨諸大菩薩地
為得佛智故住於此地中安住不移動
猶如大山王初地具一切經書諸伎術
猶如雪山王積聚衆樂草持戒及多聞
在於二地中猶如香山王集諸一切香
如剎悉羅山多積諸寶花明地集聞智
其音亦如是焰地多積衆道法寶不壞
如仙聖山中善寂人不少五地諸神通
無能得及者如由剎陀山夜叉神不少
六地善分別諸果無窮盡猶如馬耳山
諸果无有量七地中大慈無有能及者
如居民陀山諸龍王不少住於八地中

◇高麗大藏經◇

十住經卷第四 第三十三後 戒

自在智无量如所迦羅山多心自在者
九地心清淨說法無障尋猶如衆相山
阿修羅不少十地中諸佛功德無窮盡
如須弥山王多諸天神衆又復初地中
發於廣大願二地持戒品三地行功德
第四地專一五地衆妙事六地甚深相
七地廣大心八地中種種莊嚴諸神通
九地思妙智能過一切世十地能受持
諸佛大法雨菩薩行大海難動不可盡
發心出世間得入於初地二地淨持戒
三地修諸禪四地道行淨五練方便慧
六因緣莊嚴七深方便慧八到琉璃幢
九地行衆生一切除難處智慧光普照
十地受智藏猶如國王許如是次第淨
菩提心妙實十方諸世界所有微塵數
可於一念中計知其多少可以一毛頭
數知於虛空諸佛大功德無量不可盡
說是十住經時自在天王及諸天衆
解脫月菩薩及諸菩薩一切世間皆
大歡喜信受奉行

十住經卷第四

壬寅歲高麗國大藏都監奉

勅彫造